



O'Neill: Fri helt sevis..

Lukim stori long pes 3

Palamen rausim Gren Sif- p3

Taim long Skul Bag lo K20 long ol Digicel stia

Coral 285 K49

Alcatel 385 K79

Alcatel 555 K149

GO BEK LONG SKUL WANTAIM STAEL

Kiim Digicel bek pek long K20 taim yu baim wangela long -i Coral 285 lo K49, Coral 283 lo K59, Alcatel 385 lo K79 o Alcatel 555 lo K149.

Baim wangela fin nau! www.digicelpng.com

Digicel

KLOSTU NAU!

103

De moa...

Enrol NAU!!

Yu enrol tu?

2012 VOTE LPV

Electoral Commission Papua New Guinea

GIVIM KOT ODA...Gren Sif Sir Michael Somare (werim laplap) i givim Suprim Kot Oda long namba tu Palamen Spika Francis Marus na wokabout i go ausait, taim Peter O'Neill i sindaun long sia bilong praim minista we Somare i bin sindaun bipo. – **Lukim Stori long Pes 3.**

Sabina's Corner

Wake up, Papua New Guinea - p4

Papua Niugini, Kirap - p5

GLOBE

...the perfect choice

VITAMIN ENRICHED

More Easy, More Tasty, More Healthy.

1 kg Rice

Nesenel Kot disisen bilong Yakasa bai neks wik

NESENEL Kot disisen bilong painimaut sapos Tom Kulunga o Fred Yakasa em i tru tru polis komisina, bai kamap neks wik.

I luk olsem dispela Nesenel Kot disisen tu bai stretim politikel hevi na paul namel long Peter O'Neill na Gren Sif Sir Michael Somare, bikos hevi bilong Yakasa na Kulunga i kamaut long disisen bilong kabinet bilong tupela praim minista long makim polis komisina.

Taim Suprim Kot disisen long 12 Disemba 2011 i putim gen Sir

Michael long wok praim minista, em i bin makim Yakasa olsem polis komisina bilong en, taim O'Neill i bin makim Kulunga long taim yet.

Nesenel Kot Jas, Jastis Cathrine Davani i tokim ol loya bilong tupela man, kot bai no inap surukim dispela keis, tasol givim laspela disisen bilong en neks wik.

Loya bilong Yakasa, David Dataona bilong Dataona Loyas i tokim kot, klaien bilong en i bin bihainim loa long kamap polis

komisina bihain long Suprim Kot disisen, na oda las yia i putim bek Sir Michael long sia bilong praim minista.

Em i tok aninit long Seksen 125 bilong Mama Loa, kabinet bilong Somare gavman i bin makim Yakasa polis komisina, na kot i mas luksave long dispela bikos kot yet i bin putim bek na luksave long Sir Michael.

Dataona i askim kot tu long surukim interim injanksen oda long stopim ol polis holim o arestim Yakasa bikos em i wok long poret

long laip bilong en bikos long ol tret o sut-tok bilong ol arapela polisman.

Loya bilong Kulunga, Alice Kimbu bilong Parua Loyas, i tokim kot long rausim dispela interim injanksen oda bikos i nogat gutpela evidens, nogat fomol aplikesen, na nogat as bilong en.

Em i tok dispela oda i mas raus bikos em i no bihainim loa na brukim Seksen 197 (2) bilong Mama Loa, we em bai stopim ol polisman long mekim gut wok bilong ol.

Loya bilong Atoni-Jeneral, Loani Hena bilong Henaos Loyas, i sapotim sabmisen bilong Kimbu, na tok NEC aninit long O'Neill Gavman, i bin rausim Yakasa olsem polis komisina long 13 Disemba.

Em i tok dispela Nesenel Kot disisen bai painimaut na tok stret tu gavman bilong husat - Somare o O'Neill - em i tru tru gavman.

Kot disisen inap long kamap dispela wik, tasol Davani bai kisim wanpela lain bilong en i go long haus sik ovasis, na em bai kamap neks wik. Em i no tokaut long wanem de stret.

'Bonga no polis minista' - Boito

MEMBA bilong Nawaeb Timothy Bonga i no minista bilong polis na em i nogat rait aninit long loa long bagarapim gutpela wok bilong ol polisman long kantri.

Polis Minista aninit long O'Neill gavman, John Boito, i tok klia long ol polisman, pablik na media olsem Nesenel Geset namba G376 bilong Disemba 19, 2011, i bin rausim o rivokim apoinsem bilong Bonga olsem Internal Sekyuriti minista aninit long Somare gavman, husat Suprim Kot i bin putim bek.

Boito i mekim dispela toktok bihain long Bonga i bin askim long wanem as Polis Komisina Tom Kulunga i bin salim sampela polisman i go long embesi bilong Indonesia las wik Mande taim sampela ol Non-Gavman Organisesen (NGO) i bin karimaut wanpela pisful protes agensim Indonesia gavman long tok klia

long as bilong Falcon Jet balus asua long Novemba 29 antap long easpes o balus rot bilong Indonesia.

Boito i tok polis i no bin go long hap long bagarapim laip bilong ol wok manmeri long Indonesian Embesi, tasol long halivim ol bikos nogut sampela samting i go karangi long hap na ol pipel i bagarapim embesi.

Em i tok dispela nogut toktok bilong Bonga i bagarapim nem bilong ol polisman, husat i bin go long kamap sekuriti, na larim pisful protes i noken kamap bikpela na bagarapim ol laip na propeti bilong Indonesian Embesi. Ol i no go long hap long poretim ol embesi wok manmeri.

"Bonga i no minista bilong polis, na em noken mekim dispela kain toktok long bagarapim ol renk na fail bilong polisman. Mi minista bilong polis, na nau mi sindaun long

polis hetkwata wantaim polis komisina na ol arapela bikpela polisman.

"Mi minista bilong polis aninit long O'Neill gavman na Tom Kulunga em i komisina. Mitupela i wok long polis hetkwata wantaim olgeta polisman bilong kantri. Bonga inap long stap hia sapos em i minista. Em we?" Boito i askim.

Boito i tok gavman i bihainim ol protokol na stretpela we long stretim dispela Falcon Jet balus asua, na Bonga i no save long dispela samting, tasol em i wok long hait long hotel rum o raun long strit na bikmaus nating long giamanim pipel.

Kulunga i tok ol polisman i bin mekim nomol wok bilong ol long lukautim laip na propeti.

Sapos Bonga i ken luksave long Kulunga olsem polis komisina, em i nap long save long Boito tu olsem polis minista bikos tu-



MITUPELA BOSIM POLIS... Polis Minista John Boito na Polis Komisina Tom Kulunga i tok tupela i stap long polis hetkwata na lukautim olgeta polisman long kantri. **POTO: NICKY BERNARD**

pela man i wok aninit long Nesenel Geset namba G376, we dispela sem geset namba i bin rausim Bonga olsem minista aninit long Somare kem.

Kulunga i tokim Bonga long noken yusim o bagarapim nem bilong polis nating bikos em i no moa minista bilong polis.

Lutheran yut wokabaut kam long Mosbi

PNG em wanpela Kristen kantri tasol pasin bilong yumi i no save bihainim toktok bilong buk Baibel.

Planti manmeri na ol lida tu i wok long mekim planti pasin nogut we Baibel i tok tambu. Tasol long maus, yumi save tok PNG em i Kristen kantri na ol pipel i Kristen.

Dispela toktok i kam long 13-pela Lutheran Sios yut mangi bilong Concordia Parish, Menyama, Morobe Provins, husat i bin wokabaut i kam long Mosbi. Ol i bin wokabaut 3-pela wik na foapela de i kam long Bulldog Trek na kamaut long Kerema, Galf na kam kamap long Mosbi. Em i namba wan

taim bilong ol long lukim Mosbi.

Yut lida bilong ol, John Mathew i tok, ol i bin wokabaut long soim kantri na pipel long wokabaut wantaim Kraist Jisas insait long wok bilong autim gutnius, na tu salensim ol arapepa manmeri long soim trutru pasin kristen long raun, wokabaut, pasin na toktok.

Em i tok PNG i stap long kalabus bilong sin na pipel na lida i mas sanap strong antap long tok bilong God long lusim dispela kalabus bilong Seten.

Nogat wanpela man i bin sapotim ol tasol God yet i bin halivim ol. Ol i bin lusim ples long Mande 19 Disemba 2011, wokabaut wantaim

wanpela katen Em Nau bisket, na kamap long Mosbi long Fraide 6 Jenueri 2012.

Ol bai stap tupela wik long Mosbi wantaim Evanjelis Ohare Jabere bilong Mt Zion Kongrisesen long 9-mail, na bihain long en, ol bai wokabaut i go bek long Kokoda Trek na go bek long Menyama.

Sapos wanpela man i tingting long halivim ol, orait yu ken kolim John long 7122 2208 o Pasta Ohare long 7365 1744, na salim mani i go long BSP Waigani Brens Akaun namba 100 407 5279 bilong Elias Darius. Dispela halivim bai go bek long Parish bilong ol long mekim wok bilong God.



MENYAMA YUT...

Ol i wokabaut kam long Mosbi namba wan taim. Ol kisim dispela poto las wik Fonde long Wantok Niuspepa Opis long Kanage Strit, 6 mail long Mosbi. **POTO: ANREW MOLEN**

Gavman sevis no go daun long pipel

PASIN korapsen tasol i mekim na planti pipel long kantri i hangre na krai stap long gavman sevis.

Maski gavman i save kisim bikpela nesenel winmani long ol yia i go pinis, nogat wanpela evidens i stap long graun long soim pipel i kisim gavman sevis bikos K1 bilian i wok long lus olgeta yia taim Gren Sif Sir Michael Somare i bin ronim gavman.

Meba bilong Lae na Minista bilong Pablik Sevis, Bath Philemon i mekim dispela toktok taim em i sapotim Praim Minista Peter O'Neill long lonsim Nesenel Anti-Korapsen Streteji 2010-2030 long Palamen Haus hap aste.

Philemon i tok pasin korapsen em i kamap long olgeta hap, olgeta level na em i kamap olsem nomol laipstail bilong yumi.

Wankain taim, 90 pesen bilong pipel long kantri i no kisim gavman sevis bikos mani inap long givim sevis i wok long lus nating nating long han bilong ol lida,

husat inap mekim wok stret long karim sevis go daun long pipel.

"Pasin bilong gutpela gava-nens i lus pinis. Pasin korapsen na paul pasin i groa. Dispela i bagarapim olgeta komyuniti na pipel bilong yumi. Sik AIDS i save kilim wan-wan man insait long wan-wan komyuniti, tasol pasin korapsen i wok long kilim yumi olgeta," Philemon i tok.

Philemon i tok planti rot, bris, skul, haus sik, pawa lait, na ol arapela gavman sevis i bagarap pinis long planti hap bilong kantri bikos long pasin korapsen tasol.

"Pipel i dai bikos nogat gutpela haus sik na marasin long sevim laip bilong ol. Ol yangpela pikinini i raun nating bikos tisa i kisim fri mani na em i no stap long skul. Klasrum i bagarap bikos nogat gavman mani long mekim nupela gen," em i tok.

Em i tok Korapsen Peseppen Indeks (CPI) bilong Trens-parensi Intenesenel (TIPNG)soim, PNG em i stap long 152 ples. Dispela i soim

bikpela pasin korapsen long pablik sekta i kamap long PNG.

"Ol Meba bilong Palamen, dipatmentel het, pablik seven, gavman ejensi, olgeta i wok long bagarapim gutpela kantri bilong yumi wantaim pasin korapsen. Dispela pasin em i stap pinis long sistem na kamap lose nomol pasin bilong yumi olgeta de," Philemon i tok.

Philemon i tok bihain long tenpela yia olgeta, las wik tasol em i stap long Lae na draiv i go antap long Goroka, we rot em i kirap nogut long lukim Hailans Haiwe i pulap long pothole na i bagarap pinis.

Em i tok bipo ples i save stap gut tasol, taim pasin korapsen i groa moa, ol pipel i no kisim gavman sevis gut long ol gras-ruts pipel.

Tasol dispela i no leit pinis. Nau wataim dispela anti-korapsen streteji, PNG i ken rausim pasin korapsen, larim pipel i kisim sevis na kamap gutpela kantri bilong yumi olgeta.

Palamen rausim Gren Sif

Aja Alex Potabe i raitim

PALAMEN i strongim sait na sanap antap long Nesenel Eksesiv Kaunsel (NEC) disesen bilong Disemba 12 aninit long nupela loa bilong Praim Minista na NEC (PM & NEC Act 2011) long rausim Gren Sif Sir Michael Somare long sia bi-

long Is Sipik Rijinel.

Aste moning taim Palamen i sindaun, Gren Sif Somare i kam insait wantaim ol arapela memba, husat i stap wantaim em, long givim Suprim Kot Oda bilong Disemba 12, 2011 long Palamen Spika .

Dispela Kot Oda i kam long faivpela jas husat i bin mekim

laspela disisen bilong Is Sipik Spesol Refrens long Disemba 12, 2011, we kot i bin tokim Gren Sif Somare long kisim bek sia bilong en bikos em i no bin stap nating.

Taim em i kam insait stret long floa bilong Palamen Haus long 11-kilok moning, Nesenel Plening Minista Sam Basil i kirap na tokim Namba tu Palamen Spika, Fran-

cis Marus long rausim Somare bikos em i no moa Memba bilong Palamen.

Tasol Sir Michael i no poret long toktok bilong Basil, na go stret long sia bilong Spika na givim dispela Suprim Kot Oda long Marus.

Marus i tok em bai no inap senisim tingting bilong en, bikos

Palamen i bin rausim Sir Michael pinis, na Sir Michael em i no moa Memba bilong Is Sipik, na em i nogat rait long kam insait long Palamen.

Sir Michael i lusim kot oda long sia bilong Spika na em i go ausait long floa bilong Palamen.

Marus i edjonim Palamen i kam tete moning long 10-kilok.

O'Neill: Fri helt sevis

Aja Alex Potabe i raitim

O'NEILL-NAMAH Gavman i mekim nem na stilim lewa bilong planti ol grasruts pipel bihain long Praim Minista Peter O'Neill i visitim Pot Mosbi Jeneral Haus Sik aste na tokaut long kantri bai gat fri medikel na helt sevis.

Stat long aste, O'Neill i tok olgeta haus sik long kantri bai givim fri medikel na helt sevis long pipel bikos gavman yet i stap baksait long sevim laip bilong pipel, na long soim dispela, gavman bai givim K350 milian long olgeta haus sik.

Nogat wanpela praim minista bipo i bin go sekim haus sik, na hamamasim olgeta sik manmeri na wok manmeri, tasol Pot Mosbi Jeneral Haus Sik i bin kirap nogut taim Praim Minista



Praim Minista Peter O'Neill - Fri helt sevis...

Peter O'Neill na olgeta kebinet minista bilong en i bin go sekim sapos haus sik i stap gut o nogat.

Bihain long ol i sekim olgeta hap bilong haus sik, O'Neill i tok: "Dispela gavman em bilong pipel stret,

na mi makim maus tasol long tokaut olsem stat long nau, olgeta gavman haus sik long kantri bai givim fri marasin na helt sevis long pipel bilong PNG. Olgeta pipel bilong dispela kantri bai no inap peim mani long kisim marasin long haus sik."

"Gavman bai givim narapela K350 milian antap long K800 milian mipela i bin givim pinis long ol haus sik aninit long Baset 2012. Dispela mani bai stretim olgeta haus sik long kantri, mekim wok mentenens, baim moa marasin, na lukluk long ol arapela haus sik samtng long lukautim gut ol sik manmeri na sevim laip

bilong planti ol grasruts pipel, we ol i no inap long go long gutpela haus sik ovasis,' O'Neill i tok.

Taim ol skelim dispela K350 milian, Pot Mosbi Jeneral Haus Sik bai kisim K50 milian bikos em i bikipela haus sik bilong kantri.

Baksait long en, Angau Memorial Haus Sik long Lae, Nonga Base Haus Sik long Rabaul, Goroka Base Haus Sik, Mt Hagen Jeneral Haus Sik na Borom Haus Sik long Wewak bai wanwan kisim K25 milian.

Olgeta gavman haus sik long kantri bai kisim K10 milian long mekim wok mentenens, stretim ol samtng, baim marasin na ol arapela samtng long kirapim level bilong haus sik na larim ol pipel i kisim gutpela na fri helt sevis.

O'Neill laikim yumi wok bung long rausim korapsen

Aja Alex Potabe i raitim

PRAIM Minista Peter O'Neill i singaut strong long olgeta manmeri long sanap strong na wokbung wantaim gavman blong en long rausim pasin korapsen.

Maski yumi gat planti risos na nesenel winmani, pasin korapsen tasol i wok long stopim groa bilong PNG na kantri i no kirap hariap,

O'Neill i mekim dispela toktok taim em i givim namba wan Nesenel Anti-Korapsen Streteji 2010-2030 long Palamen Haus.

O'Neill i tok dispela streteji agensim korapsen long PNG i gat 8-pela eria we gavman dipatmen, NGO, ol sios, dono ejensi na olgeta pipel i mas lukluk long daunim pasin korapsen.

Ol dispela eria em:

1. Strongim na saposim stretpela lidasip;
 2. Strongim trenspersensi na kamapim ples klia ol pasin korapsen;
 3. Strongim na lukautim ol pipel gut;
 4. Strongim na bihainim Pabilik Fainensel Menisemen Sistem;
 5. Strongim Akauntebliti na stretim ol rong pasin;
 6. Strongim Komplaiens na Enfosmen;
 7. Strongim Pablik Awenes na Edukesen; na
 8. Strongim Kodinesen na Patnasp
- O'Neill i tok tenkyu long pastaim Somare gavman long kirapim dispela streteji long gutpela bilong kantri.

Wok painim tok planti sumatin i no save gut long rit na rait

Veronica Hatutasi i raitim

WANPELA edukesen sevei o wok painim long 5-pela provins insait long kantri i painim olsem planti sumatin i no save gut long rit, rait na glasim na skelim ol tingting.

PNG Edukesen Edvokesi Netwok (PNGEAN) i bin karimaut wok painim long Nesenel Kapitel Distrik, Simbu, Sandaun, Nu Ailan na Galp provins.

Tripela samtng we sevei i bin painim long 5-pela provins em long, bikipela mak long pipel i no save long rit, rait na skelim tingting na ol samtng, kwaliti long edukesen sistem i bagarap na moa pikinini man i skul taim planti pikinini meri i no go long skul.

Bikmeri long PNGEAN, Priscilla Kare, i bin tokaut olsem long lonsing bilong Nesenel Sivil Sosaiti Edukesen Fan (GOOM) pailot projek long Mosbi sotpela taim i go pinis.

Mis Kare i tok ogenais-

esen bilong em i laik helpim gavman long sait bilong edukesen, long kamapim gutpela kwaliti edukesen na ol sumatin i ken gat gutpela lainim, skul gut na kontribut long developmen bilong kantri.

Em i tokk ol samtng we PNGEAN i laik helpim long kamapim em long skul bilong laip (lifelong learning), adal edukesen (adult education), jenda ikwaliti na kwaliti edukesen we ol i mas gat ol kwaliti tisa long skulim ol pikinini long kisim gutpela save.

Em i tok adalt edukesen em i bikipela samtng, bikos kantri i no nap long go het inap em i gat pipel husat i ken rit na rait gut na tu, ol inap long glasim na skelim ol tingting.

Em i tok ol bai askim gavman long kirapim Institut bilong Lenguja na tu, mekim Nesenel Literesi seksen bilong Edukesen Dipatmen i kamap wanpela dipatmen em yet we bai kisim luksave na fanding long karimaut gut ol wok bilong em.



BIKPELA WOK: Rachael Ila, i mekim bikipela wok. Em i wok long kisim olgeta stori na namba bilong ol ilektoral rol long ol arapela hap long kantri, na em i wok tromoi ol dispela samtng i go insait long bikipela data-bes sistem bilong PNG Ilektoral Komisen.

Dispela wok em i namba wan bikipela wok PNGEC i mekim nau long stretim nem bilong moa long 4 milian manmeri husat i abrusim pinis 18 krismas. Em i krismas we ol manmeri i ken vot long ileksen long kantri. Rachael, wantaim planti ol arapela manmeri i wok long het opis bilong PNGEC long Hohola long Mosbi. **Poto: Nicky Bernard.**

Wake up, Papua New Guinea!

PAPUA New Guinea has now entered a warped time-zone where there is no road map, and there are no road signs to direct and control traffic.

It is now every man and his dog to tap in on line for a piece of the action. This is a rather sad story, because we are here, dealing with a bunch of politicians who have no traditional upbringing; meaning, they have no tradition, no culture, and no schooling in the PNG way of life.

They are a modern version of a gutter culture; people who do not know of a better way of life.

All that these guys know about, is money, and what money can buy in the modern world.

All that they know about is power and how and when to use it for the maximum benefit that such usage will bring to the user.

Thus, ultimately, what PNG is now facing, is all about political power to access public money and the feeling of might in using such money to facilitate personal interest.

We are not dealing here with God and the devil. We are here dealing with Devils competing for the loot. We are here, dealing with no-hopers using their positions of power and might to access public funds for propagation of personal interests.

The ordinary people out there must realize that they are on their own. Thus, any public announcement by these politicians on either side that they are standing for what is right, is all a lot of nonsense. What we are now witnessing, is a power struggle from both sides - the O'Neill side and the Somare side.

The issue is not whether one side is more evil than the other. The issue is about which side should get its fingers in the public till. And right now, the O'Neill mob are, it seems, trying to make up for lost time as they empty the public till.

Do not forget; they spent K500



million in less than 90 days after forcibly taking office.

Then quickly, they went about to offer us free education, so that we can close our eyes and allow them to do what they like.

This is the biggest problem

We have to be aware that these guys will pay us to maintain silence so that we will cast a blind eye to any unlawful conduct they may be perpetrating.

We ask Papua New Guineans. Please, do not be blinded by what little like free education that they are offering you. You must assess for yourself, their moral standing as members of the Papua New Guinean community that they say they belong to.

For instance, if they say that they are Sepiks, then ask them to reveal their Sepik initiation marks like tattoos on their bodies. What we fear, is that this new development is all about money and materialism, and what O'Neill can offer in terms of entering the material world.

These are sure tests to inform you that these guys are real. Otherwise, they are members of that failed subculture where the principle is that of "survival of the fittest", where the mighty will even kill the small and innocent, simply to acquire their assets as the loot.

Our Highlands culture is a classic example, of a society of people who thrive on social unrest, fighting, burning, killing, and generally maintaining a state of unrest.

Papua New Guineans must be vigilant.

The writing's already on the wall.

To start with, the Supreme Court ruled on 12/12/2011 that Sir Michael was not lawfully removed as the Prime Minister; Peter O'Neill was not lawfully appointed as the PM; and the Supreme Court went on to say that Sir Michael Somare must be reinstated as the lawful PM.

This has not happened, because the O'Neill mob are constantly trying to block Sir Michael coming back to power.

Thus, we must now ask the question: Which side is right and which side is wrong?

Unfortunately, there is no easy answer to this question.

If we start with the Supreme Court decision, we would say that Sir Michael is right, and Peter O'Neill is wrong.

But then on the day of the Supreme Court decision, 12/12/2011, the Parliament met and reappointed O'Neill as the PM, after the decision, and after passing an Amendment to the NEC and the Prime Minister's Act.

Thus, the O'Neill mob are now saying that they are the lawful government because on the 12/12/2011, they passed the amendment law and further went on to reappoint O'Neill as the PM.

In other words, what they are saying, is that they accepted the Supreme Court decision of the 12/12/2011, but they went further to amend the law, and that way, reinstated O'Neill as the PM.

I say that this is a rather loaded issue.

On the one hand, the Supreme Court is saying that O'Neill is an unlawful PM; the Court maintenance that Sir Michael is the only lawful PM.

However, what has now happened, is that Dr Allan Marat, the Attorney General, has filed a Special Reference asking the Supreme Court to reopen the old case before the Supreme Court for a review.

We are not in a position to say whether the new Court Case will bring anything new. And what will they do, if the Supreme Court repeats its Orders of 12/12/2011?

Will they pass another law invalidating the Supreme Court decision and reappoint O'Neill as the PM for the third time?

Thus, we ask the question: Who are the bigger fools here? Somare and his mob, or O'Neill and his mob?

Finally, running up the Government House Hill and trying to tear down the fence and singing, "We Shall Not be Moved", on the way to turf out Somare and his mob from the Morauta House, is not the kind of behaviour or conduct befitting "national leaders" of a country.

It is a shameful and lowly conduct that is the mark of a subculture from the gutter.

We say to O'Neill and his mob: If you cannot improve on your current public image, you are wasting your time and money on buying public support.

People are not as blind as you would like to think.

They can see through you.

You haven't got what it takes.

You want to remain in power, you better start to improve on your public image. We suggest that you create a Department of PR and sell a better image than the one that you have portrayed so far.

Life is all about being reality beyond the images.

Life is not about the ego.

Life in essence, is all about a reality beyond the ego.

For the present mob and those before them, it is all about an ego trip that has no beginning.

It is all about accessing public money and spending without accountability.

It is all about stealing public money.

Papua Niugini, Kirap!

PAPUA Niugini nau i go insait long wanpela kain ples droman we i nogat mep bilong rot, na i nogat rot sain i stap long kontrolim ol kar long rot.

Nau em i taim bilong olgeta man na dok bilong en long sanap long lain long kisim hap kaikai. Dispela em i wanpela turangu stori tru, bikos mipela i stap hia na lukim ol politisen husat i no bikpela bihainim pasin tumbuna; ol i nogat pasin tumbuna, nogat kalsa, na nogat skul long laip na sindaun long PNG.

Ol em ol arere man bilong tude; ol lain husat i no save long mobeta sindaun long laip.

Ol i save long mani tasol, na wanem samting mani ken baim long wol tude.

Ol i save tasol long pawa na wei bilong yusim, long olgeta strong bilong en, bai em i bringim gutpela long man i holim.

Olsem na nau, PNG i bungim bikpela politiks na pawa pilai long kisim pablik mani na long pilim pawa ol bai holim taim ol i yusim dispela mani long lukautim ol yet.

Em i no samting bilong God na Satan. Mipela long hia, mipela i gat ol Satan i wok pait long kisim mani.

Mipela wok lukim ol lain i nogat gutpela bel husat i wok yusim pawa ol i holim long kisim pablik mani na yusim long laik bilong ol yet.

Ol liklik manmeri i mas luksave olsem ol i nogat wasman moa. Olsem na wanem kain pablik toktok ol dispela politisen bilong tupela sait wantaim i mekim na tok ol i sanap long strongim tok tru, em i giaman tasol.

Samting mipela i lukim nau, em i wanpela pait long pawa namel long O'Neill sait na Somare sait.

Isiu, i no sapos wanpela i satan moa long narapela. Isiu i no long wanem sait i mas suvim han i go long paus bilong pablik. Na nau, O'Neill na ol boi bilong em i wok long traim long mekap long hamas yia ol i no dring wara, na nau ol i wok pinisim paus i stap.

Noken lus tingting olsem ol i bin tromoi K500 milian insait long 90 de tasol, bihain long ol i kisim gavman.

Bihain, ol i givim mipela fri edukesen, bai mipela i ken pasim ai na larim ol i mekim long laik.

Dispela nau em i bikpela hevi.

Yumi mas luksave olsem ol dispela lain bai givim mipela mani long pasim maus, bai mipela i ken pasim ai long wanem kain pasin stil ol i mekim.

Mipela askim ol Papua Niugini manmeri. Plis, noken aipas long wanem liklik fri edukesen ol i givim long yu. Yu mas skelim yu yet, ol astingting na bilip bilong ol olsem ol memba bilong Papua Niugini komyuniti we ol i tok ol i stap insait long en.

Olsem, sapos ol i tok ol i Sepik, orait, askim ol long soim ol mak bilong pukpuk long baksait bilong ol. Mipela pret liklik olsem dispela nupela pasin em bilong mani na holim samting tasol, na wanem kain samting O'Neill gavman i ken givim long sait bilong ples graun.

Ol dispela em ol tru tru tes yu ken mekim long sekim ol dispela lain. Sapos nogat, ol



i mas memba bilong ol lain we astingting em 'strong bilong wan wan', we ol strongpela bai kilim ol liklik, long kisim ol samting bilong ol yet.

Hailans pasin bilong mipela tu em i gutpela piksa bilong wanpela sosaiti bilong pipel husat i save strong long taim sindaun i bagarap. Ol i save pait, kukim haus, kilim man, na sindaun i no save gutpela oltaim.

Ol Papua Niugini manmeri, yumi mas was gut.

Toksava i go pas pinis.

Pastaim, Suprim Kot i givim ruling long 12/12/2011, olsem rausim bilong Sir Michael long opis bilong praim minista, i no bihainim lo; makim bilong Peter O'Neill olsem PM i no bihainim lo; na Suprim Kot i tok moa olsem Sir Michael i mas kisim bek wok bilong em olsem Praim Minista tru.

Dispela i no kamap, bikos O'Neill na ol lain bilong em i wok blokim olgeta rot bilong Sir Michael long kisim bek pawa.

Olsem na mipela mas askim nau: Husat em i tok tru, na husat i strong nating?

Sore tru, i nogat isi bekim long dispela askim.

Sapos yumi stat wantaim Suprim Kot disisen, mipela bai tok olsem Sir Michael i tok tru, na Peter O'Neill i strong nating.

Tasol long de Suprim Kot i mekim disisen

(12/12/2011), Palamen i sindaun na makim gen O'Neill olsem PM, bihain long disisen i kamap, na bihain long ol i oraitim ol senis long NEC na Praim Ministas Ekt.

Olsem na O'Neill na ol lain bilong em i tok olsem ol i tru tru gavman, bikos long 12/12/2011, ol i tok oraitim senis long lo, na go moa long makim gen O'Neill olsem PM.

I olsem: Ol i tok olsem ol i luksave long disisen bilong Suprim Kot, long 12/12/2011, tasol ol i go het pinis long sekim loa, na em nau, ol i makim bek O'Neill olsem PM.

Dispela, em i pulap tru long planti askim.

Long wanpela sait, Suprim Kot i tok O'Neill em i PM tru; na Kot i tok olsem Sir Michael em i tru tru PM.

Nau mipela i harim olsem Dokta Allan Marat, em Atoni Jeneral, i failim wanpela Spesol Referens na askim Suprim Kot long opim bek olpela kes i bin go long Suprim Kot, bai i gat rivi long en.

Mipela no inap tok sapos nupela Kot Kes bai autim ol nupela samting o nogat. Na bai ol i mekim wanem sapos Suprim Kot i ripitim o givim wankain oda olsem em i givim long 12/12/2011?

Ol bai pasim narapela loa i rausim Suprim Kot disisen na makim gen O'Neill olsem PM namba tri taim?

Olsem na nau, mipela i askim: Husat i wok long daunim huk? Somare na lain bilong em, o O'Neill na ol boi bilong em?

Na las tru bilong dispela wik, ron i go antap long Gavman Haus maunten

long traim daunim banis na singsing, "We Shall Not Be Moved", long traim long rausim Somare na ol lain bilong em long Morauta Haus, em i no kain pasin bilong ol 'nesenel lida' bilong wanpela kantri.

Em i wanpela rabis, pipia pasin we i soim tru mak bilong wanpela kain bilip na tingting bilong ol dok long rot.

Mipela tok long O'Neill na ol lain bilong em: Sapos yu no inap long stretim pablik piksa yupela i gat nau, em yu westim taim na mani bilong yu long baim pablik sapot.

Ol pipel i no aipas olsem yu tingim long tingting bilong yu.

Ol i ken luksave yu wanem kain man.

Yu nogat inap strong na save.

Yu laikim stap long pawa, yu mas kwiktaim stretim pablik piksa bilong yu. Ating i mobeta yu kamapim wanpela Dipatmen bilong Pablik Rilesens, na salim wanpela mobeta klinpela piksa, we i mobeta long dispela doti piksa yupela i wok long soim i kam inap nau.

Laip em i samting tru i stap baksait long piksa nating.

Laip i no bilong strongim biknem.

Laip, long as tru bilong en, em i samting i stap baksait long biknem.

Long ol lain i stap nau, na ol lain i bin stap pastaim long ol, em i samting bilong biknem, we i nogat kirap bilong en. Em i samting bilong kisim mani bilong pablik, na yusim long laik.

Em i samting bilong stilim pablik mani tasol.

Piksa gat pawa long pulim intres

James Kila i raitim

OL BUK, megesin na ol bikpela kala piksa i save pulim ai na intres bilong ol planti liklik pikinini na tu, ol bikmanmeri wantaim.

Narapela samting tu em, taim i gat displei o taim yu soim ol poto o piksa bilong ol grup we ol lain bilong ol yet i save long ol, ol bai amamas long go na lukim na mekim kain kain stori nabaut.

I no long taim i go pinis, wanpela seremoni i bin kamap long Danagari arere long Ramu Riva

daunbilo tasol long Kurumbukari we i lukim divelopa bilong nikel main i givim 15-pela haus-kapa i go long ol papagraun.

Ol lain wokman meri bilong Ramu NiCo Komuniti Afes Dipatmen i putim kamap sampela displei long ol poto na piksa ol i bin kisim pastaim long ol wok divelopmen na tu ol ples long Kurumbukari na eria long Danagari.

Tru tumas, dispela poto displei i pulim ai na intares bilong ol pikinini long go bung na lukim piksa bilong ol lain ol i save long en.

"Aiyo, em bata ya tasol ya i sanap i stap," sampela i tok long toktok i go kam long ol yet na amamas wantaim.

Planti long ol dispela sumatin i save go long Kurumbukari Praimeri skul, we i stap klostu long Danagari viles.

Dispela skul i save gat ol sumatin bilong Kurumbukari eria, ol viles arere long Ramu Riva na tu sampela ol sumatin husat i save wokabout long boda long sait long Jimi long Westen Hailans provins long go skul long hap.



Ol liklik pikinini long Danagari amamas long lukim ol kala poto bilong ol lain bilong ol i stap long displei. *Poto: James Kila*

12,674 Gret 10 sumatin i kisim spes

WANTAIM samting olsem 12,674 sumatin long kantri i bin pinisim Gret 10 i kisim spes long go hetim skul bilong ol long Gret 11 long nomol edukesen sistem, moa long hap bai stap nating, taim sampela bai painim spes long ol vokesenel skul o topim ap ol mak bilong ol.

Long las yia, 39,750 sumatin i bin sindaun long Gret 10 skul tes. Long dispela mak, 14,079 em ol i putim ol long makim ol long skruim skul i go, tasol 1,405 em ol i no kisim ol na ol i kisim 12,674 sumatin long Gret 11, Sekreteri bilong Edukesen, Dokta Musawe Sinebare, i tok.

Dokta Sinebare i tok dispela 1,405 sumatin husat i no bin kisim spes long Gret 11 i kam long ol provins i bin wokim gut tru na long ol praiwet skul long kantri. Em ol provins olsem Westen na Isten Hailans.

"Ol bin mekim gut long 2011, tasol i nogat inap spes long kisim olgeta sumatin.

"Planti sumatin long ol praiwet skul i no bin kisim spes long wanem, ol papamama i no bin askim long trense i go long ol gavman skul," Dokta Sinebare, i tok.

Dokta Sinebare i tok long glasim ol mak bilong ol sumatin long Gret 10 long 2011 na 2010, ol sumatin long 2011 i bin wokim gut long olgeta subjek glasim wantaim ol dispela long 2010. Dispela em bikos 2010 i bin namba wan yia ol bin statim nupela tes aninit long Autkam Beis Edukesen (OBE) na tes long plan-ti subjek.

Dokta Sinebare i tok tu olsem long 2011, liklik lain sumatin tasol long Gret 12 i bin kisim ol top mak long olgeta subjek bikos ol bin wokim ol nupela tes aninit long OBE.

Long ol narapela edukesen nius, Wantok i bin traim long kisim nius long skul subsidi na wanem taim ol skul bai kisim, tok klia long ol skul fi na sapos i gat ol narapela fi olsem projek ol ol papamama bai peim, tasol ol bikman i no bin nap long givim aut infomesen.

I gat ol ripot tu olsem sampela pikinini meri sumatin husat i bin pinisim Gret 12 long Notre Dame sekonderi skul bilong ol meri long Westen Hailans na i wokim gut, i no bin kisim spes long ol teseri institusen olsem ol yunivesiti.

Ol ripot i tok asua i bin kamap long Mesamen Sevis Brens long no putim ol Aplaid Inglis mak bilong ol pikinini meri.

Tok klia long opis bilong Sekreteri Sinebare i tok Gaidens opisa, Ben Malari, na Notre Dame skul prinsipel, Sister Mary Vivette, i bin luksave long dispela na toksave long asua i go long dairekta bilong Mesamens Sevis Brens long seleksen wik.

Dokta Sinebare i tok ol Mesamens lain i bin stretim asua hariap na ol i prinim ol nupela mak na tu, raitim wanpela pas i go long Opis bilong Haia Edukesen (OHE) long kisim ol meri sumatin long ol teseri institusen.

Wantok i bin laik kisim ol tok klia long OHE, tasol em no bin inap long kisim ol bikman husat i ken toktok long dispela samting.

AUSTRALIA-PACIFIC TECHNICAL COLLEGE NOW ACCEPTING NEW APPLICATIONS

Applications for APTC for the Semester II, 2012 and the year 2013 are now open. If you have:

- A pre-employment training certificate or Trade Certificate in the relevant industry area; and
- Have 2 or more years full-time employment in the relevant industry area

.. then you are eligible to apply. The training for which you apply must be in the same industry area as your qualifications and employment. **IT IS ESSENTIAL THAT YOU MEET THIS MINIMUM CRITERIA TO APPLY TO APTC.**

The Australia-Pacific Technical College (APTC) has been providing vocational training and Australian qualifications in the Pacific for over four years with campuses in Fiji, Samoa, Vanuatu and PNG.

You will need to submit the following with your application:

- Passport or birth certificate (copy) or a certified statutory declaration listing your full name, date & place of birth and the full names of your parents
- Certificates/Awards that you have received (copy)
- Your resume/CV
- 2 Passport sized photos of yourself

2012 APTC Training Courses Available

Courses are delivered in Fiji, Samoa, Vanuatu or PNG

Applications to be submitted by 26 January for 2012 courses

School of Trade & Technology

- Certificate III in Automotive Mechanical Technology*
- Certificate III in Engineering Mechanical Trade - Fitting and Machining *
- Certificate III in Engineering Mechanical Trade - Diesel Fitting*
- Certificate III in Engineering Mechanical Trade - Refrigeration and Air Conditioning
- Certificate III in Engineering Mechanical Trade - Heavy Fabrication*
- Certificate III in Carpentry*
- Certificate III in Painting and Decorating
- Certificate III in Wall and Floor Tiling
- Certificate III in Electro- technology Electrical*
- Certificate in Plumbing

The APTC School of Trades & Technology offers programs to two (2) distinct student groups:

1. Existing or Current workers in Industry, &
 2. Graduates from fulltime in country training programs - New Industry Entrants.
- Both programs are offered over an 18 month period, however each program of study is structured differently.

* Note: Courses to be offered in PNG in 2012 and/or 2013

School of Hospitality & Community Services

- Certificate III in Hospitality *
- Certificate III in Hospitality (Commercial Cookery)*
- Certificate III in Hospitality (Patisserie)
- Certificate III in Tourism
- Certificate IV in Hospitality
- Certificate III in Hairdressing
- Diploma in Community Services Work*
- Certificate III in Community Services Work*
- Certificate III in Disability*
- Certificate IV in Youth Work*
- Certificate III in Home and Community Care/Aged Care
- Certificate III in Children's Services
- Diploma in Children's Services

All Training programs attract fees of approximately K5,000 per qualification however a limited number of scholarships are available for those who apply and meet the criteria.

If you'd like to know more about the APTC, the courses we offer and qualifying criteria please visit our website at www.aptc.edu.au If you'd like to submit an application you can download forms from the website or obtain further details by phone 321 3666 or 321 3668, fax 321 3662 or email enquiries.png@aptc.edu.au

Trevor Birney - PNG APTC Country Manager.

APTC PNG Campus: C/-POMTECH, Idubada, Port Moresby, PNG



Ambaseda bilong Amerika sapotim 22 risev sia

SAPOTIM wok long strongim ol meri i wanpela long ol bikpela samting i mas kamap long wol we kantri Amerika i laik lukim i kamap.

Olsem na Ambaseda bilong Amerika, Teddy Taylor, i autim tok amamas long PNG long kamapim Bil we bai kamapim 22 risev sia bil bai lukim ol meri i go long Palamen olsem ol memba.

"Mi bihainim Palamen na ol dibet o tromoim tok-tok i go na i kam wantaim bikpela intres na mi kirap nogut tu," Ambaseda Taylor i tok.

Em i tok i moabeta long PNG i promotim ol wok long sapotim strong ol meri na risev sia i wanpela long ol rot

Em i tok em i amamas stret long ol memba i no wari long pati o sait ol i

stap long en, tasol ol i sapotim 22 risev sia bilong ol meri bil.

Ambaseda Taylor i tok em bin lukim ol toktok agensim i bin kamap long Amerika long stopim ol wok go het long sivil rait long hap, na olsem, em i autim tingting bilong em long dispela.

"Ol toktok sampela i mekim olsem man na meri Palamen memba i wok wantaim o ol meri i holim bikpela wok bai kamapim pasin nogut namel long ol i go antap, na tu, bagarapim marit i no gutpela.

"Dispela kain toktok na tingting i mas noken kamap long ol sosaiti we i laik go hetim ol wok divelopmen.

"Mi no bilipim tu olsem sampela man i yusim Buk Baibel na tok agensim ol meri long stap daunbilong ol man.

"Taim ol lain i yusim Efeses long agensim ol meri wantaim ves "Ol meri i mas harim tok bilong ol man bilong yupela," ol i abrusim ol tok bilong aposel Paul we em i agensim pasin bilong daunium ol meri taim em i tok," I nogat man o meri, bikos yupela i wanpela tasol long Krai Jisas."

"Ol i abrusim tu bikpela lidasip bilong 4-pela bikmeri meri lida long Buk Baibel olsem Sarah, Rebecca, Leah na Rachel na tu, ol bikpela li-

dasip wok we ol meri olsem Mary, Mary Magdalen na Mary na Martha i mekim.

"Em bilip bilong mi olsem ol memba bilong Palamen bai abrusim ol kain toktok bilong agensim ol meri na luksave long ol meri i laik kontribuit long ol wok divelopmen bilong kantri," Ambaseda Taylor i tok.

Em i tok sosaiti bai go het na lukim ol gutpela wok kamap taim tupela man na meri i putim han wantaim na wok.

"I moabeta long Palamen bilong PNG i luksave long ol meri na ol gutpela samting we ol i ken kontribuit long en, na sapotim dispela 22 risev sia," Ambaseda Taylor, i tok.

Long wankain taim, gavman bilong Amerika i fandim wanpela woksop bilong sapotim ol meri, long Mosbi long dispela wik.

Intanesenel Faundesen bilong Ilektoel Sistem (IFES) i go pas long woksop i wok long kamap nau long Mosbi.

Tupela savelain na woklain bilong IFES, Mohan Vasud-eran na Terry Ann Rogers i go pas long ranim dispela kos long Mosbi long tripela de, stat long aste.

Opis bilong Global Wimen Isu na Stet Dipatmen bilong Amerika i givim US 670,000 long helpim ol meri PNG na Solomon Ailan i karimaut ol wok bilong ol long strongim ol yangpela meri long ol rait bilong ol, na tu, long edukesen bilong ol.



PANGUNA: Taim bikpela Panguna Main i pas, ol asples i painim yet gol arere long Jaba Riva eria long Panguna, olsem dispela yangpela meri i mekim. Em i laik wasim ol gol em i painim taim Meri Wantok i bungim em.

Dame Carol bai pinis long politiks

MERI i sponsaim 22 risev sia bilong ol meri na wanpela meri tasol long haus Palamen em Dame Carol Kidu bai pinis long politiks na dispela i min olsem em i no inap sanap long nesanel ileksen dispela yia.

Dame Carol i stap olsem wanpela Palamen memba na em i mekim planti kontribusen long politiks, ol meri, yut na pikinini na ol famili na sosel isu insait long PNG.

Insait long las 9-pela yia, em bin stap olsem Komunite Divelopmen Minista na em i tanim ministri i go kamap gutpela na tu, apim level bilong em i go antap na bikpela moa.

Long fan resing bilong Melanisen Alaiens we em i memba long en, Dame Carol i tok em bin amamas long wok wantaim pati we i gat visen na driman bilogn dispela kantri.

Kain rot we pastaim Madang bisnis man, Se Peter Barter, na nau Dame Carol i wokim long lusim politiks long laik bilong ol i gutpela samting we ol PNG politisen i ken lukim na bihainim, wanpela bikman i bin kamap long bung i tok.

PNG SUSTAINABLE DEVELOPMENT PROGRAM LTD

Sapotim ol Westen Provins Helt Ejensi

Long makim PNGSDP, mi laik opim dispela Nupela Yia wantaim tok tenkyu long ol helt woka bilong mipela long Westen Provins, long bikpela halivim ol i givim long gutpela sindaun bilong ol pipel long provins, na long strongim wok divelopmen. Mi laik tokim ol olsem PNGSDP bai go het long opim ol progrem bilong sapotim ol helt sevis long 2012, na i go long bihain taim.

Long tenpela yia mipela i sanap na wok, PNGSDP i mekim planti helt projek insait long planti kain kain ples long Westen Provins. Long Kunini Helt Senta long Saut bilong provins, i go olgeta long Mogulu Helt Senta, long Not Is. Ol dispela helt projek, em PNGSDP i givim mani long sanapim, nau i mekim wok long olgeta hap bilong provins, na i gat moa yet bai kamap.

PNGSDP i skelim tingting long halivim ol helt sevis long Westen Provins, na ol i pasim tingting long givim sapot na tok strongim long ol lain i mekim dispela wok. Wanpela rot em long givim halivim long wanpela fan ol i kamapim bilong op long tupela sios ejensi i save givim helt sevis. Long 2009, samting olsem PNGSDP i makim K10 milian long sapotim helt wok bilong dispela tupela sios inap long tripela yia. Dispela em i antap long moa long K40 milian ol i makim pinis bilong go long ol helt projek insait long provins.

Yumi olgeta i save olsem ol sios helt sevis i stap pinis long Westen Provins, long taim pinis pastaim long Ok Tedi Main i kamap. Nau mipela i makim 60 yia we ECPNG na Katolik sios i mekim wok long givim helt sevis. Insait long dispela taim bihain long Ok Tedi main i kamap, klostu hap long olgeta helt sevis pipel i kisim long Westen Provins. I kam long ol ejensi bilong Ewanjelikal Luteran Sios bilong Papua Niugini, na Katolik Deiosis bilong Daru-Kiunga. Dispela em i bikpela kontribusen tru long sindaun bilong 220,000 pipel bilong Westen Provins, na wanpela, we planti taim, i no save gat inap luksave long en. Tude tu, PNG i go het long toktok long wokbung pasin namel long sios na gavman, long givim helt sevis long ol pipel bilong yumi, tasol yumi save abrus long givim gut pe long ol helt woka, we i wankain olsem ol warwok bilong ol insait long gavman helt sevis. Mipela i save larim ol sios helt ejensi long painim mani ol i nidim long givim ol sevis long pipel.

PNGSDP i luksave long hatwok ol sios ejensi i save mekim long givim helt sevis, na i opim han long halivim ol inapim ol wok mak bilong ol. Mipela i no kam wantaim tok stia long ol i mekim wok bilong ol, o long tokim ol long we bilong mekim ol helt progrem, o wanem wok mipela i ting ol dispela ejensi i mas mekim o bihainim. Nogat. Mipela i laik givim halivim bai ol i mekim wok gut. Na olsem ol etpos long Ali, Dewara, Kewa, Kimana, Kondobol, Lewanda, Saewase, Suweme na Upiara i kisim luksave wantaim ol nupela bilding, em ol etpos, o ol haus slip bilong ol nes. ECPNG Helt Sekreteri i gat wanpela haus long Balimo, lowara na Boset em sampela long ol ples we i op moa nau aninit long Katolik Helt Progrem. Na taim progrem i ron yet, mipela i lukim moa wok i kirap long Rumginae. Obo na Lows Bemu.

Mipela i mekim sampela senis long ples ol helt wokman i save wok na sindaun. Mipela i mekim senis tu long ol ples we ol sikman i save kisim tritmen. Mipela i save olsem i gat planti moa wok long mekim, na mipela i lukluk long wokbung moa wantaim gavman na ol helt woka bilong provins, long inapim moa wok luksave.

CEO: David Sode

I kam long tebol bilong CEO (Article #1 bilong 2012)

Tel: [675] 320 3844/45 | Fax: [675] 320 3855 | Email: enquiries@pngsdp.com Website: www.pngsdp.com

KSDF bungim ol Kristen manmeri long Kurumbukari

James Kila i raitim

OL KRISTEN bilip manmeri long Kurumbukari we bikpela nikel na kobalt maining projek i stap long en i kamapim wanpela ambrela ogenaiesen long lukautim na was gut long intres bilong ol we bai i ken promotim gutpela Kristen pasin na sindaun namel long ol pipel insait long komyuniti.

Ol i kolim dispela ogenaiesen bilong ol Kurumbukari Spirituel Dvelopmen Faundesen (KSDF).

Dispela Kristen ogenaiesen KSDF i karamapim 21-pela Kristen sios husat i stap long Kurumbukari eria na i promotim pasin bilong wok bung wantaim telimautim tok bilong God tu long holim strong na promotim Kristen pasin insait long komyuniti long Kurumbukari.

Pasto bilong Soul Havest Ministri, Pasto Micheal Yori, husat i go pas long i kirapim KSDF i tok dispela ogenaiesen bilong ol i laik stap insait long spiritual dvelopmen bilong ol manmeri na ol yuts insait long dispela taim we wok maining i kamap long eria bilong ol.

Em i tok taim wok maining i kamap long eria bilong ol, planti nupela dvelopmen na laipstail bilong ol pipel tu bai i senis. Tasol bikpela samting tru em Kristen bilip bilong ol pipel i mas strong long wokabaut bilong ol.

Ol lain Kristen sios we i kam anitim long KSDF em Soul Harvest, Katolik Sios, SDA Sios, Foa Skwea, Oneness Pentekos, ALC Sios, Luteran Riniwal, ELC-PNG,CLC sios, Sabath Oneness, Nazarin na tupela ACE school, wanpela



Ol Kristen manmeri husat i stap wantaim KSDF i prea na lotu long Ainagri long veli daunbilong long Kurumbukari.

i stap long Enekuai na narapela i stap long Ainagri.

Ol dispela Kristen Sios i gat ol ples bilong mekim lotu na liptimapim nem bilong Go long Danagari, Banu, Anagri, Karani, Mondis, Dabravu, Dengekevei, Nakainum, Kinimati, Enekuai, Miao, Gaizai na Butua kemp.

Long mun Disemba, 2011 taim PNG i wok long redim long selebretim Krismas, ol lain Kristen manmeri bilong KSDF i kamapim wanpela kruseid o Kristen bung

long ples Ainagri.

Dispela kruseid i pulim planti Kristen manmeri long bung na mekim lotu na prea na singsing na serim tok bilong Papa God.

Ramu NiCo Komyuniti Afes Dipatmen long KBK i bin helpim long sampela kaikai long ol lain long dispela kruseid.

Planti ol Kristen bilip manmeri na ol yut i bin bung long preisim nem bilong Jisas na gutpela Kristen pasin namel long ol yet.



Emti dram i save mekim bikpela krai!

TAIM bilong nesanel ileksen i kamap klostu nau. Planti manmeri i wari long putim nem bilong ol i go long komon rol, bai ol i gat rait long votim memba bilong ol. Sapos nogat nem, yu bai no inap vot. Olgeta de i gat toksave long TV long helpim manmeri bai ol i redi na yusim gutpela tingting na save long taim bilong ileksen.

Wanpela tok long tokples bilong Bahasa Indonesia em: "Tong kosong, nyaring bunyinya" – i min olsem, emti dram i kamapim bikpela krai/nois. Em i wanpela gutpela tok bilong helpim yumi long skelim na glasim gut manmeri husat bai wokim kampen o toktok long wanpela samting.

Sampela mun i go pinis, mi bin raitim stori long manmeri i save spak. Taim ol i spak, ol i gat planti save na toktok planti. Tasol taim alkohol i no bosim tingting bilong ol moa, ol i bai sindaun olsem kakaruk i wet long taim bilong ren.

Long Fonde las wik, mi bin toktok long wanpela meri husat i wok wantaim Karitas tim bilong Asdaiosis bilong Pot Mosbi. Dispela tim i mekim ol wok redi awenes progrem bilong kampen bilong nesanel ileksen.

Mi askim em: "Wanem samting yupela i redim long dispela awenes progrem".

Em i tok, ol i redim skul bilong helpim manmeri long yusim gutpela tingting na save bilong ol long taim bilong ileksen, bai ol i ken makim gutpela lida olsem bilong memba bilong ol. Narapela skul em i bilong helpim manmeri bai nogat trabel long fosim ol man long taim bilong ileksen. Givim fridom long ol manmeri long makim husat man o meri i gutpela lida long tingting bilong em. Wan wan i gat fridom bilong em long makim husat em i laik long makim.

Em i tru! Dispela kain awenes i bin kamap planti taim long taim bilong ileksen. Planti manmeri i bin harim. Sampela i bin bihainim. Sampela i harim long yau tasol.

Long tingting bilong mi, olgeta lida manmeri i bin makim, i gutpela. I nogat wanpela man i tokaut long taim bilong kampen, olsem em i no gutpela lida. Planti manmeri i bin yusim rait bilong ol long makim gutpela lida.

Tasol, dispela lida yumi makim bai go insait long wanpela sistem bilong gavman. Sampela taim sistem bilong gavman i gutpela tru, olsem na lida man i stap gut olgeta taim. Sapos sistem bilong gavman i no gutpela, em i bai paulim gutpela lida yumi bin makim long en, bikos em i stap pas pinis wantaim sistem. Sistem i paulim em.

Mi bin harim sampela manmeri i mekim ol kain tok olsem; "Lida/memba yumi makim em i gutpela man o gutpela lida. Tasol taim ol i winim ileksen na go kamap long haus tambaran (Palamen haus) long Mosbi, spirit bilong tambaran i paulim ol.

Sampela lida i save bikmaus na toktok planti long taim bilong kampen na wokim planti bikpela nois olsem emti dram. Taim bilong kampen, ol i no save pasim glas bilong kar na tok gutpela de long olgeta manmeri long rot. Bihain long winim ileksen, em bai no nap mekim bikpela nois, draivim dak glas kar na i no tok gutpela de moa long ol manmeri em i bungim long rot. Em bai stap long Mosbi tasol, na i no go lukim manmeri long ples we i bin makim em.

Olsem na tingim gut dispela tok. Taim yu paitim wanpela emti dram, yu bai kamapim bikpela pairap o nois tru. Yusim save na tingting gut long skelim na glasim toktok bilong manmeri o lida bilong yumi.

Ol Karinj perisina i wokabaut wantaim Santu Maria stetyu

Pater Pais Hal i raitim

MOA long 4,500 bilong Karinj Pastorel Eria o Peris long Mendi, Sauten Hailans, i bin wokabaut wantaim Stetyu bilong Santu Maria long dispela wik.

Ol i bin kam long Katitrel long Mendi Daiosis long moning na lusim pastoral eria bilong ol long 5 kilok moning, na kam kamap long daiosis long 7 kilok. Long 8 kilok, ol i gat Misa lotu wantaim peris pris bilong ol.

Bihain long Misa lotu, ol i karim Stetyu bilong Santu Maria na wokabaut i go raunim Mendi Taun. Bihain long raunim Mendi Taun, ol i wokabaut i go bek long peris.

Wanpela gutpela samting long dispela wokabaut em, planti bilong ol katekis wantaim ol man na ol yangpela manmeri i bin karim Stetyu bilong Santu Maria. Ol i no pret o sem samting long karim stetyu bilong Santu Maria na wokabaut long pablik i go long peris bilong ol.

Taim ol i wokabaut long Mandi Taun i go long peris bilong, ol i

kaunim rosari stat long katitrel i go olsem long Mendi Taun na i go olgeta long peris (Karinj) bilong ol.

Ol i amamas moa yet bikos em i nambawan taim ol i karim bikpela statyu bilong Santu Maria na wokabaut i go long

peris blong ol. Long bena o laplap bilong ol, ol i raitim olsem: "SANTU MARIA, MAMA BILONG BEL ISI."



WOKABAUT WANTAIM MAMA: Ol Katekis bilong Karinj peris long Mendi i karim stetyu bilong Mama Maria. *Poto: Pater Pius Hal*



Ol meri inap long bagarapim vot

S APOS ol memba bilong palamen i no kamapim dispela nupela lo bilong givim 22 sia bilong palamen long ol meri, tru tumas planti bilong ol bai kisim taim long nesanel ileksen.

Olgeta lida bilong ol meri insait long ol provins i sambai pinis long dispela nupela lo i mas kamap bai ol meri ken gat 22 sia long haus palamen we ol tu ken toktok na mekim disisen long ron bilong Papua Niugini.

Tasol i luk olsem palamen i bruk long tupela hap pinis we grup bilong Gren Sief Sir Michael Somare i no laik go long palamen kibung. Ol lain bilong Peter O'Neill na Belden Namah i wok long ranim ol bung long palamen i stap.

Dispela 22 risev sia bilong ol meri mas kisim samting olsem 75 vot long mekim em i kamap lo. Taim em i kamap lo, orait ol meri bai sanap long ileksen long dispela yia long sia bilong



ol meri stret. Em i olsem wanwan meri bai winim sit long provins bilong ol na go long palamen wantaim ol man husat i win long open sia na rijinal sia.

Bikpela hevi i stap yet we ol lain bilong Somare mas go long palamen long givim vot bilong ol long mekim kamap dispela lo. Sapos ol no go bai namba i sot yet na dispela lo i no inap kamap.

Long las yia klostu long mun Novemba taim palamen bin sindaun, tupela lain long sait bilong Somare bin go long palamen long votim dispela lo bilong ol meri. Em memba bilong Mosbi Saut Dem Carol Kidu na memba bilong Kabwum Bob Dadae.

Em sampela kain piksa olsem nogut sampela moa memba long sait bilong So-

mare inap go long palamen long dispela wik long votim kamap dispela lo bilong givim 22 sia long ol meri.

Tingim tasol. Sapos dispela lo i no kamap, bai olgeta mama na ol meri insait long Papua Niugini bai holim bikpela straik tru agensim olgeta dispela memba bilong palamen tude. Nogut ol no inap vot long Julai nesanel ileksen bikos ol gat dispela kros.

Ol meri inap pasim tok long noken vot long taim bilong nesanel ileksen bikos ol man i no luksave long ol long givim ol dispela rait bilong kamap memba long palamen.

Tru tumas olgeta dispela memba nau long palamen bai kamap bikpela birua tru bilong olgeta meri long PNG we ol inap bungim bikpela salens tru long grisim ol meri long votim ol kam bek long taim bilong nesanel ileksen.

Olgeta lain bai go pas em ol rijinal memba o ol gavana bilong ol no sapotim

dispela lo. Taim olgeta meri long ples i kisim klia save long dispela nau bai ol open memba bai kisim taim long ol grasrut mama bilong ples.

Narapela tu, sapos ol meri belhat na pasim tok, ol inap mekim blok vot long ol meri kendidet tasol long winim ileksen bikos ol man i lukdaun long ol pinis.

Em narapela rot i stap long ol meri ken winim ileksen isi tru taim olgeta meri i pasim vot bilong ol long votim meri tasol.

Dispela em bikpela samting nau olgeta memba bilong palamen nau mas tingting gut long mekim sapos ol laik winim sapot na vot bilong ol long taim bilong nesanel ileksen.

Nau ol meri ken tok stret na klia olsem, yu no givim, yu no inap kisim. Em kain toktok bilong ileksen ya. Wet na bai yumi lukim. Tasol yumi ken kisim sampela tingting long dispela kain salens na hevi we inap kamap long mun Julai.

WANTOK KOMENTRI

Husat i holim ki bilong sef?

TAIM yumi ting olsem kirap bilong palamen long laspela taim bipo em i pas long go long ileksen, long wik i go pinis, yumi harim Namah i singaut strong tru long O'Neill i mas risain.

Tasol dispela liklik kros na krai bilong em, i nogat moa. O'Neill yet i tok olsem wanem kain hevi Namah i gat, bai ol i 'stretim' namel long ol yet, olsem ol lida.

Ating i mas i gat planti bikpela botol i stap nau long pulamap wara bihain long tupela i stretim liklik kros bilong ol.

Tasol tupela i kros long wanem tru? Namba wan samting i klia, em Namah i pilim olsem em i mas opim maus na toktok.

Na watpo na em i mekim olsem. I luk olsem em i mekim dispela long soim O'Neill olsem em tu i ken autim ol hait pasin.

Tasol hamas hait pasin bilong dispela gavman i kamap ples klia pinis?

Nau, i gat planti askim tru i sut long ron bilong Falcon jet balus bihainim tok orait bilong Namah.

Olsem wanem long ol dispela toktok i kamap olsem Falcon jet i bin karim wanpela biknem stilman bilong Indonesia.

Yumi mas opim maus na askim. Em wanpela we tasol, bai yumi painimaut.

Narapela we, em bai yumi lukim bikman yet i soim yumi long ol man i giaman na yusim nem bilong pipel long suvim han i go long mani bilong kantri.

Namel long dispela palamen kibung nau, bikpela askim em, husat i holim ki bilong sef?

Ol lain bilong O'Neill i save olsem taim Gavana Jeneral i sainim ol ritpepa bilong tok orait long kirap bilong nesanel ileksen 2012, bai olgeta lida, maski yu minista nau, o yu nupela man i sanap resis, i kamap wankain.

Em nau, bai dispela ki bilong sef, bai kamap king tru.

Bikos man husat i gat inap mani (maski em i kisim long gutpela, o nogut rot), bai yusim long stretim rot bilong em i kam bek long haus palamen.

Bikpela askim yumi noken lusim, em, Falcon jet balus i plai long oda bilong husat tru? Kago em i karim, em i bilong husat tru?

Wanpela samting emi klia moa.

Sapos i tru olsem falcon jet i bin karim dispela biknem stilman Indonesia, man i givim oda long dispela balus i ron i go na kisim em i kam bek, em i holim ki bilong sef.

Olsem na yumi harim ol bel pairap i kamap bikpela.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Portion 445, Kanage Street, Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

Kampani i tok kepten i mekim planti rong

KAMPANI i bosim dispela pasindia sip em i kapsait long solwara long solwara na nambis long Ital ii tok kepten bilong sip i bin mekim planti asua.

Wanpela tok lukaut bilong kampani tu i tok ol i no bin bihainim ol 'imejensi prosidia' - em ol rul bilong ol kain taim olsem.

Ol i tokaut pinis olsem 5-pela pipel i dai, na samting olsem 15-pela, ol i wok long painim yet bihain long sip - Kosta Concordia - i bamim wanpela traipela ston long wes kos bilong Itali, na bihain, em i kapsait.

South Korean Oil tenka i go insait long solwara

WANPELA Saut Korea oil sip i bin go insait long solwara.

Em i go daun bihain long i bin gat pairap insait long en, na kamapim dai bilong tripela boskru antap long en, narapela etpela i wok long lus yet.

Wanpela Korea kost gad mausman i tok tupela long pipel i bin dai, em ol sitisen bilong Burma na wanpela Saut Korea.

Em i tok ol i bin go halivim faipwela long ol boskru.

Dispela mausman i tok em i bin gat wanpela-ten-sikspela boskru antap long dispela sip, wanpela-ten-wan ol Korea na faipwela bilong Burma.

Dispela birua i bin kamap long Incheon, em wanpela pot siti i go long Wes rijen bilong Saut Korea.

Dispela sip i bin wok long go long Saut i go long Daesan, em narapela pot long wes kos bihain long rausim piul kago bilong en.

Ol atoriti i wok long mekim wok painimaut long wanem as long pairap i kamap long sip, tasol em i tok i no luk

Gavana i tok ileksen i no ken kamap

WANPELA gavana bilong Papua Niugini i tok Ilektoral Komisen bilong kantri i mas senisim ileksen bilong dispela yia i go neks yia.

Gavana bilong Morobe provins, Luther Wenge, i mekim bikpela askim i go long Komisen long surukim jeneral ileksen i go long 2013.

Em i tok i gat planti hevi tumas long wok politikis long kantri, na tu, Palamen i nogat taim nau long mekim 'namba tu na namba tri riding' long bil bilong senisim ol Rijenal Sia.

Mista Wenge i tok aninit long Ogenik Lo bilong

olsem bom em birua bilong em, we Not Korea i sut long en.

Paia i bin kamap long balus i go long Sydney

WANPELA balus bilong Japan Airlines em i wok ron i go long Sidni, siti bilong Australia, wantaim tu handret sikspela ten pasindia long en.

Em i bin tanim na ron i go bek long Narita ples-balus bihain long sia bilong wanpela pasindia i bin paia.

Wanpela kebin atenden o boskru i bin tok, wanpela liklik paia i bin kamap long wanpela sia long bisnis klas eria bilong dispela Boeing 777 bihain long em i bin kirap lusim ples balus, na paia i kirap.

Kampani i tok ol i bin painim wanpela sigaret laita long sia, tasol Japan Airlines i no yet painimaut em i bin bilong husat ol pasindia tru long balus.

Nogat wanpela long ol pasindia na kru i bin kisim bagarap.

kantri, Ilektoral Komisen i gat pawa long oraitim ol rits oa bilong surukim taim bilong ileksen i go long narapela taim.

Torres Stet pipel i krosim Gavman

GAVMAN bilong Australia i bungim pinis planti toktok kros long i no givim mani long stretim 'si-wol' raun long noten hap bilong Torres Stet ailan.

Dispela tok bihainim planti hevi ol i save bungim oltaim long kirap bilong haiwara.

Planti pipel long hap i save lusim haus bilong ol long dispela taim bilong ol

Britain i givim woning long Iran nuklia program

BRITEN Foren Sekreteri William Hague i givim woning bai nuklia program bilong Iran inap statim pasin long wan wan kantri long hap bilong Midel Is i laikim ol strongpela samting bilong pait.

Long wanpela toktok wantaim Britain Sunday Telegraph niuspepa, Mista Hague i bin askim Iran gavman long stap insait long toktok wantaim ol narapela kantri, na sapos nogat, em bai kisim ol bikpela mekim-save stret.

Em i tok ol i mas toktok long dispela isiu bikos Iran i bihainim nau rot em i no gutpela long olgeta kantri bilong hap bilong Midel Is wantaim nuklia.

Ol gavman long Yurop i wok long go kamap klostu long kamapim agrimen long kamapim tambu long oil bilong Iran, em mining olsem ol i givim sikspela mun i go long kampani long stopim ol kontrak bilong ol wantaim gavman bilong Iran.

'flood', sampela i save stap long lukautim haus bilong ol, we ol i save bungim ol kain kain sik long ol kain kain sik haiwara i save bringim.

Kwinslen MP, Warren Entch i tok ol i bin putim dispela ol 'si-wol' 50 yia i go pnis, na 5 o 4-pela yia pinis, ol i putim nupela.

Tasol i kam inap nau, ol i no mekim wanpela samting yet, na dispela MP i tok, sik i ken kamap.

Sip kepten i tok em i no brukim lo

KEPTEN bilong pasindia sip, Costa Concordia, i tok dispela bik ston we sip i bamim i no bin stap long ol 'maritaim sat' o ron bilong ol sip.

Em i sakim ol toktok olsem em i bin lusim bot pastaim long sampela long 4-tausen pasindia.

Dispela tokaut i kamap 48 awa bihain long pasindia sip i bin bamim wanpela bikpela ston na kapsait long wes kos bilong Itali.

Ol i painim narapela tupela bodi long sip, na ol i wok long painim narapela 15 pipel.

Tasol namel long dispela, i gat sampela gut nius, we ol reskiu lain i painim tupela marit bilong Saut Korea insait long rum bilong ol na wanpela kru memba, husat i gat bikpela bagarap long lek bilong em.

Ol wok i go het long painim ol arapela pipel long sip.

Ovasis sumatin i no moa kam long Australia

NAMBA bilong ol ovasis sumatin i go skul long Australia insait long dispela tupela yia i kam go pinis, i go daun.

Ol i putim dispela long ol trabel ol ovasis sumatin i save bungim, wantaim tu, pundaun bilong sampela kolis, na strong bilong Australia dola.

Claire Field bilong Australian Council for Private Education and Training, i tok ol yunivesiti, ol koles, na TAFE, i painim bikpela hevi tru long bringim ol ovasis sumatin long stadi long Australia.

a quality product of The Coca-Cola Company

NATURE'S OWN™

Purified Water

Sapotim tokaut bilong HIV na AIDS!

Coca-Cola Amatil i makim K200,000 olsem moni mak, na mipela askim olgeta man na meri bilong Papua Niugini long sapotim dispela kempein.

Taim yu baim wan wan Nature's Own botol wara, Coca-Cola Amatil bai givim halivim long wok bilong National AIDS Council.

Get a HIV test and Plan your future Visit a today

PNG MADE

TORO



BIABIA



KANAGE



TOKWIN

Sief go long palamen...
 Aste long palamen i sindaun, Sief i wokabaut i go insait wantaim ol memba bilong em na askim spika long givim wanpela sia bilong em. Wantu bikpela kros kamap ne tokwin i harim olsem sampela memba klostu ol i blok long hap. Spika i ajenim palamen long tude 10kilok. Yumi wet

na lukluk, wanem samting bai kamap...
Godens bagarap tru...
 Taim ol i pasim buai maket long Godens maket, olgeta buai lain go salim buai long ol Hausing Komisn flet long fran bilong bas stop. Tokwin i raun i go long hap na klostu traut long lukim dispela hap we ol buai lain salim buai. Liklik strit rot i save go antap long ol arapela flet long baksait i pas na pipia bilong buai na doti wara i smel i pulap tru na ol buai lain sindaun antap na salim buai i stap. Sapos yu lukim bai sik olgeta. Kain sik olsem kolera na taifoid i save kamap long dispela kain ples. NCDC mas lukluk long dispela, bikos sapos bikpela sik i kamap long Mosbi, em as bilong dispela ples tasol.

Tokwin Tasol...




PAINIM OL TOKTOK BILONG NESENEL BASET:

TRESERI	WINMANI	TAKES	EKONOMI	FORESTRI
AGRIKALSA	ALOKESAN	MTDS	FAINENS	MINISTA
SEKRETERI	PLENING	BIL	INVESTMEN	MANI PLEN
GROIM	TRENSPOT	HELT	EDUKESAN	EKSPOT

6	9		2	5	1	8
	5		8			
				6	9	4
	4	5	6			1
8	3		2	4		6
5			8	9		4
3	5	2				
			1		4	
1	6	4	9		2	3

1	8	7	6	3	5	2	9	4
5	2	6	9	4	7	3	8	1
9	4	3	2	8	1	6	5	7
3	9	8	4	7	6	1	2	5
7	6	1	5	2	9	4	3	8
4	5	2	3	1	8	9	7	6
6	3	5	8	9	4	7	1	2
8	1	9	7	6	2	5	4	3
2	7	4	1	5	3	8	6	9

Ansa bilong las wik Sudoku



Ansa bilong las wik Pasol

EMTV Television Guide

5.00AM G JOYCE MEYER Religious Program	5.00PM G CRIME STOPPERS	11.20 - 12.00PM GRADE 8 SCIENCE	9.00PM M EMTV NEWS REPLAY	3.00PM G MAGICAL TALES
5.30AM G TODAY	5.55PM G NATIONAL EMTV NEWS	12.30PM EMTV MIDDAY NEWS	11.30PM G AUSTRALIA NETWORK	3.30PM G HI-5
DEPARTMENT OF EDUCATION CLASSROOM BROADCAST	6.00PM G EMTV TOK SAVE	DEPT OF EDUCATION CLASSROOM BROADCAST CONTINUES....	12.30PM G THE SHAK	4.00PM G THE PYRAMID
9.00 - 9.40AM GRADE 7 MATHEMATICS	7.30PM G NATIONAL EMTV NEWS REPLAY	1.00 - 1.40PM GRADE 6 MATHEMATICS	1.00 - 1.40PM GRADE 6 MATHEMATICS	4.30PM G THE SHAK
9.50 - 10.30AM GRADE 7 SCIENCE	9.30PM G MOBIL 1 THE GRID	1.50 - 2.30PM GRADE 6 SCIENCE	1.50 - 2.30PM GRADE 6 SCIENCE	5.29PM G EMTV NEWS UPDATE
10.40 - 11.15AM GRADE 8 MATHEMATICS	10.30PM G AUSTRALIA NETWORK	2.30 - 3.00PM DEPI PROGRAMME	2.30 - 3.00PM DEPI PROGRAMME	5.00PM G
11.20 - 12.00PM GRADE 8 SCIENCE	11.30PM G TUNDE, JANUERI 24, 2012	12.00PM EMTV MIDDAY NEWS	12.00PM EMTV MIDDAY NEWS	5.55PM G CRIME STOPPERS
12.30PM EMTV MIDDAY NEWS	12.30PM G JOYCE MEYER Religious program	3.00PM G MAGICAL TALES	3.00PM G JOYCE MEYER Religious Program	6.00PM G NATIONAL EMTV NEWS
DEPT OF EDUCATION CLASSROOM BROADCAST CONTINUES....	5.30AM G TODAY	3.30PM G HI-5	5.30AM G TODAY	7.00PM PG THE WORLD AROUND US TBA
1.00 - 1.40PM GRADE 6 MATHEMATICS	DEPARTMENT OF EDUCATION CLASSROOM BROADCAST	4.00PM G THE PYRAMID	DEPARTMENT OF EDUCATION CLASSROOM BROADCAST	7.57PM EMTV TOK SAVE
1.50 - 2.30PM GRADE 6 SCIENCE	9.00 - 9.40AM GRADE 7 MATHEMATICS	4.30PM G THE SHAK	9.00 - 10.30AM GRADE 7 SCIENCE	8.00PM PG
2.30 - 3.00PM DEPI PROGRAMME	9.50 - 10.30AM GRADE 7 SCIENCE	5.29PM G EMTV NEWS UPDATE	10.40 - 11.15AM GRADE 8 MATHEMATICS	9.00PM PG WEDNESDAY NIGHT MOVIE: TBA
STATION OPEN	10.40 - 11.15AM GRADE 8 MATHEMATICS	5.30PM G MILLIONAIRE HOT SEAT	11.20 - 12.00PM GRADE 8 SCIENCE	11.45PM G NATIONAL EMTV NEWS REPLAY
KIDS KONA		6.00PM G NATIONAL EMTV NEWS	12.30PM EMTV MIDDAY NEWS	1.00AM AUSTRALIA NETWORK
3.00PM G MAGICAL TALES		7.00PM G HAUS & HOME	DEPT OF EDUCATION CLASSROOM BROADCAST CONTINUES....	
3.30PM G HI-5		7.57PM EMTV TOK SAVE	1.00 - 1.40PM GRADE 6 MATHEMATICS	
4.00PM G THE PYRAMID		8.00PM G KINGAL MINISTRIES	1.50 - 2.30PM GRADE 6 SCIENCE	
4.30PM G THE SHAK		8.30PM PG THE FARMER WANTS A WIFE (SERIES PREMIERE)	2.30 - 3.00PM DEPI PROGRAMME	
			12.00PM EMTV MIDDAY NEWS	

penprenkanagelaipain

Raun wantaim Kanage olgeta wik



Tripela pans
Kanage em bilong Kaiti Yango long Lagagam, Enga provins. Kanage i gat wanpela poroman, Wakop. Tupela i poro longpela taim tru. Ol i stap go na tupela wantaim maritim tupela meri long ples. I no longtaim na meri bilong Wakop karim wanpela pikinini man na bihain wanpela pikinini meri. Kanage lukim dispela na em tingting planti, 'Long wanem na meri bilong brata bilong mi karim tupela pikinini hariap tru na meri bilong mi nogat?' Em nau Kanage go long lukim Wakop na tokim em, "Mi bai rausim meri bilong mi. Meri bilong mi i no inap karim pikinini bilong mi." Wakop tokim em, "Yu save wanem? Mi bin givim dapol pans long meri bilong mi na em karim tupela pikinini bilong mi hariap tru. Sapos mi bin givim tripela pans, em bai karim tripela pikinini." Kanage tokim poro bilong em, "Mi laik givim tripela pans long meri bilong mi long karim tripela pikinini. Bai mi givim tripela pans osem wanem?" Poro bilong em isi tasol tokim em, "Yu go long meri bilong yu na givim long ol rot we mi bai tokim yu." Wakop tokim Kanage pinis na Kanage siksti go long haus. Kanage go long meri bilong em na laik givim tripela pans na meri bilong em bikmaus, "Husat tokim yu osem?" Meri ya kisim wanpela hap palang na paitim Kanage.



wantaim ol long Rabaul taun. Ol kisim moto kam long ples Vunavulile na go sanap long rot wetim kar stap. Wanpela waitman draiv kam na ol stopim em. Waitman askim ol, "Where are guys going?" Narapela yangpela mangi tokim em ol laik go long Rabaul taun. Kwan, waitman tokim ol long kalap. Yangpela mangi tokim ol biklain long kalap na em yet bai sindaun long fran long wanem em save long Tok Inglis. Tasol nogat. Kanage tokim em long sindaun wantaim ol lapun long baksait. Kanage kalap long fran na ol ron go. Ol ron go abrusim Vuvu na ren pundaun. Waitman ya tokim Kanage, "Please, wind up your window." Kanage kirap singaut go long ol lain long baksait, "Ol lain, waitman tok osem holim strong!" Ol ron go long kona bilong Nonga Haus Sik na waitman ya askim Kanage gen, "Please, wind up your window." Nogat. Kanage kirap singaut gen long ol lain long baksait, "Aiya, yupela holim strong." Ol ron go na waitman ya belhat long wanem ren wasim insait bilong kar. Em singaut long Kanage, "Wind up your window now!" Tasol nogat. Longlong Kanage singaut long ol lapun long baksait, "Waitman tok kalap go ausait nau tasol." Kanage tasol mekim na olgeta lapun kalap na kisim bagarap long ol as bilong ol banana.

San na mun
Kanage wantaim poroman bilong em Orike pilai snuka long haus bilong Kanage. Sampela meri Kerema go long haus bilong Kanage long kisim wara long paip wara bilong Kanage long wanem ol nogat wara long hap bilong ol. Orike lukim ol meri Kerema wokabout go arere long haus na em giaman na tokim Kanage, "Aiyo, perendo! Bikpela kus stret pas long trausis bilong yu ya!" Kanage paul olgeta na hariap tru rausim trausis bilong em. Ol meri Kerema lukim Kanage sanap as nating na wanpela bilong ol tok, "Aiyo, san tasol bikpela mun kam aut." Kanage harim olsem na bekim, "Sapos mun i sain long ai bilong yu, yu bai tingting na pilim olsem yu stap long mun ya." Meri ya harim bekim bilong Kanage na em tok, "Ating mun ya i mas i gat strongpela lait bilong paulim tingting bilong man gen ya."

Wopa Mote Mosbi

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: atolire@wantok.com.pg

Boni Pakamu Kaiti Yango

Holim strong

Kanage em bilong Watom ailan long Is Nu Briten provins. Wanpela taim, ol bikman long ples askim Kanage long go

Mambu

Wantok Bilong Yu Yet

Boipren i bikhet long mi.

Dia Laipain

MI WANPELA sumatin meri i gat 19 krismas na wokim Gret 12 long Sekonderi skul. Mi gat boipren pinis we mitupela i bin bung taim mipela i wokim Gret 3. Bikos long skul, mi nau stap long narapela provins.

Taim mi skul i stap long narapela provins, kasen susa bilong mi i tokim mi olsem em i raun wantaim boipren bilong mi. Mi wari na sori nogut tru taim mi harim dispela nius. Taim mi go long Krismas malolo, mi askim boipren na em i tok dispela nius em i tru. Taim em i toktok, em i lukluk stret long ai bilong mi na em i tok mi olsem mi namba wan lewa bilong em stret na oltaim bai mi stap olsem gel bilong em.

Long mi tu, em i namba wan boipren mi gat na em tu i bin katim lewa bilong mi. Na mitupela i bin promis olsem bai mitupela i marit taim mipela i pinisim skul. Kasen bilong mi i tokim mi long lusim boipren ya, tasol mi painim hat long lusim tingting long em, maski em bin tok em bin raun wantaim kasen susa bilong mi. Plis helpim mi.

Undecided Lover

Dia Pren

Tenkyu long serim wari bilong yu wantaim mipela. Mipela i sori long ritim stori bilong yu na mipela i luksave long no amamas bilong yu wantaim longpela taim boipren bilong yu.

Pren, mipela i save kisim ol wankain pas long planti meri wantaim dispela kain wari. Mipela i luksave olsem bikos yutupela i poroman longpela taim, em i no isi long luksave olsem em i wok long lukim narapela meri. Na i no narapela meri tasol



kasen susa bilong yu.

Yu wok long painim hat long lusim em bikos olsem yu tok, em i namba wan boipren bilong yu. Na yutupela i bin tok promis long marit bihain long yutupela i pinisim skul. Yu pilim olsem wanem nau long dispela promis bihain long man i wokim bikhet pasin long yu. Hau bai yu save olsem em bai em ino inap mekim obikhet pasin gen? Lukim yu long ai na tokim yu olsem yu namba wan lewai mas noken mekim yu bilip olsem em i gat bikpela laik na long wankain taim, em i no stretim asua bilong em. Bai yu trastim em yet gen?

Yu tok tu olsem em i namba wan boipren yu laikim tumas na em i namba wan lewa bilong yu. Yu ting em i wokim trupela toktok taim em i tok em i gat laik long yu tasol lukim narapela husat i kasen bilong yu?

Pren, yu klia long wanem em trupela lav o laik pasin? Lav em maski wanem samting, yu mas pas wantaim na mekim gut long narapela husat yu pren wantaim. Lav i min olsem yu no tingim yu yet bikos yu tingim patna bilong yu moa yet long yu yet. Hia em tupela wod yu mas sekim na save long mining bilong ol. Em long "Lust" na "Infatuation".

Ol papamama bilong yu i olsem wanem, ol i tok orait long yu i gat boipren? Mipela i laikim yu mas tingt-

ing strong long skul bilong yu. Ating dispela i kamap long mekim yu tingting long prensip bilong yu wantaim manki ya. I moabeta yu lusim em na yu wok strong long stadi bilong yu. Sapos em i laikim yu tru, em i ken helpim yu wet inap yu pinisim skul, painim wok na bihain long dispela, plenim marit bilong yutupela.

Yu luksave olsem taim yu gat boipren yu givim yu yet moa wok antap long ol stadi bilong yu? Ol taim we yu inap long yusim long mekim stadi bilong yu gut em yu yusim long tingim na mekim ol samting i sut long boipren bilong yu. Tru tru, yu nogat wanpela samting i pasim yu wantaim dispela manki, tasol bikos yupela i bin mekim promis, yu wok long yusim taim na spes bilong yu long tingim em.

Mipela i strongim yu long serim ol wari yu gat wantaim ol narapela gutpela pren o papamama na ol i ken helpim yu. Sapos yu memba bilong wanpela sios o lotu, i moabeta yu go lukim Pasto long givim yu sampela gutpela stiatok.

Mi Pren bilong yu Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.
Laipain

NEM: Kisip Kembo
KRISMAS: 19 (man)
ADRES: ST. John De Baptist Primary School, P.O. Box 220, Kerema Gulf Provins
SAVE LAIKIM: Pilai spots, watsim muvi, go Lotu, ridim buk na mekim pani

NEM: Isaiah Bonga
KRISMAS: 28 (man)
ADRES: P. O. Box 407, Popondetta, Oro Provins
SAVE LAIKIM: Pilai Voli bol, Tas ragbi, pilai gita, lukluk TV(NRL), raitim pas, mekim na go Lotu

NEM: Rian Monghongo Alphonse
KRISMAS: 18 (man)
ADRES: Aniep Village, C/- ST. Mary's, P.O. Box 125, Leitre, Vanimo, Sandaun Provins
SAVE LAIKIM: Harim musik, pilai soka, volibol, basketbol, go Lotu na mekim pren

NEM: Annestine Funumari
KRISMAS: 18 (meri)
ADRES: Notre Dame Secondary School, P.O. Box 164, MT Hagen, WHP
SAVE LAIKIM: Ridim Baibel, singsing, harim musik, pilai basketbol, netbol, mitim ol poroman na lukluk TV.

NEM: Koron Amun
KRISMAS: 25 (man)
ADRES: P.O. Box 3079, Lae, Morobe Provins
SAVE LAIKIM: Harim musik, pilai Kompyuta, ridim buk na mekim pren

NEM: Kaiya Yoan
KRISMAS: (man)
ADRES: C/- Bema Primary School, P.O.Box 37, Kerema Gulf Provins
SAVE LAIKIM: Pilai soka, mekim Jokes na pilai volibol wantaim ol poroman

NEM: Ruben Yawa
KRISMAS: 18 (man)
ADRES: Muli Primary School, P.O. Box 69, Mendi, SHP
SAVE LAIKIM: Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

NEM: Stanson Petiti
KRISMAS: 20 (man)
ADRES: C-/ BSC ANZ Bank (PNG) Ltd, P. O. Box 1152, Port Moresby NCD Papua Niugini
SAVE LAIKIM: Pilai Gita, ridim Baible, mekim fani na stori wantaim ol poroman

NEM: Joel Kenis Amaekam
KRISMAS: 29 (man)
ADRES: Huon Gulf, Lae 411, P.O. Box 164 Lae, Morobe Provins
SAVE LAIKIM: Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

NEM: Anne Mary Yuwei
KRISMAS: 21(meri)
ADRES: Pes Primary School, P.O. Box 36, Aitape, Sandaun Provins
SAVE LAIKIM: Pilai soka, Volibol, mekim pani, go Lotu, harim musik na watsim TV.



Ramu NiCo givim 2011 Envairomen Anual Ripot long DEC

RAMU NiCo em wanpela long ol namba wan maining kampani long stat bilong dispela mun tasol (Januəri 2012) i givim Envairomen Anual Ripot bilong 2011 i go long Dipatmen ov Envairomen na Konsevesen (DEC).

Dispela ripot i tok klia long ol wok long sait bilong envairomen olsem bungim ol rekot na wanem ol wok ol i mekim long projek insait long yia 2011.

Sif Teknikol Dairekta bilong Ramu NiCo, Dokta James Wang long stat bilong dispela mun tasol i givim dispela Envairomen Anual Ripot bilong 2011 i go long Deputi Seketeri bilong DEC, Michael Wau.

Dokta James Wang i tok olsem aninit long tok-orait bilong Envairomen Plen, Ramu NiCo mas oltaim givim kwatali na anual ripot i go long DEC. Kwatali ripot em bihain long olgeta tripela mun na anual ripot em bihain long wanpela yia.

Em i tok tu long het tok bilong ripot i go long Mista Wau olsem sapos, DEC i laikim moa infomesen o tok klia long dispela ripot orait ol i ken askim em long go toktok wantaim ol long mekim klia wanem ol samting i stap insait long ripot.

Dispela Ramu NiCo Envairomen Anual Ripot bilong 2011 i karamapim ol kontrol plen long taim graun i bruk bruk na wara i karim, ol progresiv rihabilitesen, menesmen bilong ol wara na pipia i kamaut, rekot bilong ol wara, rekot bilong win, das na nois kontrol, ol gras na diwai menesmen, ol rekot bilong ol samting insait long fres wara na samting aninit long wara na envairomen aweanes program long 2011.

Insait long Eksekutiv Ripot bilong Ramu NiCo Menesmen (MCC) Limited Envairomen Anual Ripot, em i tok olsem kampani i karimaut gut tru envairomen menesmen program gut tru insait long yia 2011. Insait long dispela yia, ol wok i karamapim ol wok long kontrolim ol graun i lus na long planim gen ol eria wantaim gras na diwai we i stap ples klia bihain long kampani i wokim rot na ol narapela divelopmen na tu luksave i stap long sait long envairomen monitoring program na envairomen aweanes.

Surukim wok bilong 2010 i kam long 2011 i lukim long namba wan kwata bilong 2011 wok i bin kamap long sait long rihabilitesen we ol lukim ol wokman i planim ol gras na liklik diwai long ol eria we i stap ples klia bihain long divelopmen i kamap long Kurumbukari main eria.

Ol wok lain bilong HSE i bin planim ol gras we i ken gro na stopim graun long bruk. Dispela gras we i save holim strong graun em ol i kolim 'vetiver gras' na wok i bin go het long planim dispela ol gras. Ripot i tokaut olsem i no bin gat bikpela ol rihabilitesen wok i bin kamap long namba tri na foa kwata bilong 2011. Ol i yusim dispela taim long mekim ol wok painimaut o sevei long painim aut gut ol arapela rot long mekim na stretim ples o rihabilitesen long ol ples we wok i kamap na graun i stap nating long rot sait na ol maunten arere long rot. Wok long stretim gen o rihabilitesen bilong dispela ol samting bai kamap long 2012.

Ripot i tok tu olsem ol wara we ol wok lain bilong Ramu NiCo i kisim insait long taim bilong mekim dispela ripot em ol i salim i go long wanpela leboratori long Australia we ol i kolim Australian Laboratory Services long sekim na glasim gut. Kwaliti kontrol ripot bilong ALS i soim olsem i gat hevi ain i stap long wara em i daunbilo o i stap long stendet mak stret.

Olsem na dispela i soim olsem wanem ol wok nau i kamap long maining ino inap givim hevi long kwaliti bilong wara we ol i bin kisim long mekim tes long en olsem na dispela em i rait stendet we i no inap bagarapim helt bilong ol manmeri.

Wanpela kampani bilong Australia, Hydrobiological Company long klostu long pinis bilong las yia i bin mekim wanpela wok stadi arere long main eria long Kurumbukari na Ramu Riva na ol liklik han wara long hap na tu long Basamuk Rifainery. Dispela wok stadi em ol i karimaut wantaim bikpela lukluk long sait bilong glasim na mekim wok painimaut long ol wanem kodisen long givim tok-orait long OEMP.

"OEMP" i min olsem Operesen Stes Envairomen Monitoring Plen na dispela i save go wantaim Envairomen Plen bilong wan wan yia ol maining o bikpela risos kampani i save givim i go

long Gavman.

As tingting bilong dispela akuatik fres wara fauna sevei em long kisim ol fis na ol narapela abus o enimal bilong wara na glasim ol gut sapos ol dispela fis na enimol bilong wara i kaikai sampela ain o marasin we i kam long wok maining.

Narapela tu em long mekim stadi long ol graun na arere long wara sapos marasin o samting we i kamaut long main i go na bagarapim ol dispela samting.

Gutpela nius em olsem dispela wok stadi bilong dispela bikpela kampani bilong Australia Hydrobiological Kampani i soim olsem nogat bikpela hevi o bagarap i kamap long ol fis na ol enimal we i yusim wara Ramu na marasin we i kamaut long main i no go daun na bagarap ples bilong ol.



Ol wokman bilong HSE long Kurumbukari i planim diwai long stopim ol lus graun we rein bai wasim i go daun long maunten.



Ol saintis i katim bel bilong pis long Ramu riva na sekim sapos i gat posin nogut. Stadi i soim olsem i no gat posin nogut.



Aweanes Tim bilong Ramu NiCo mekim wok bilong ol.

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komuniti'

RAMU NiCO Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta



UYEP bai givim wok trening long 17,500 yut long siti ... K39.34 milian long karimaut

Veronica Hatutasi i raitim

SAMTING olsem 17,500 yut o yangpela insait long Nesenel Kapitel Distrik (NCD) i gat krismas namel long 16 na 25, bai gat sans long kisim trening na wok aninit long NCD Eben Yut Emploimen Projek (UYEP).
Na dispela UYEP Projek bai ron long 5-pela yia, stat long dispela yia, wantaim manimak inap long US\$17.9 milian (K39.34 milian).
Long wanpela bung tok-tok we ol patna na dona i bin sindaun long em long dispela wik Mandé, ol bin tok olsem wok go het long dispela projek i wok long ron gut na ol wok inteviu o glasim ol lain yut bai stat

long mun i kam.
Na namba wan hap long kisim ol yut long wok bai stat namel long mun Februari na Mas long dispela yia.
Gavman bilong PNG i bin kirapim tingting long statim dispela projek we Wol Benk na ol narapela dona ejensi na patna i putim mani long en taim Nesenel Kapitel Distrik Komisnin (NCDC) bai go hetim projek.
Opis bilong NCDC we i lukautim UYEP projek i tok as tingting long dispela projek em long givim sans bilong wok long ol yut i stap nating long Mosbi na tu, skruim save bilong ol we i ken mekim isi long ol long painim wok.
Opis i tok ol lain husat i ken go insait long projek

em ol dispela yut i gat krismas namel long 16 na 25, ol i no skul long las 6-pela mun, bai lukluk long ples ol i kam long en, tokples na wanpisin na kisim ol man na meri yut wantaim. Na moa yet, ol meri na yangpela bilong Motu Koita.
Opis i tok UYEP i projek patnasip namel long gavman bilong PNG, praiwet sekta na sivil sosaiti husat bai helpim long givim trening i go long ol yut long laip skils, indastriel teknikel na bisnis sevis, kisim skul na save long sait bilong fainens, benking sevis na ol narapela eria moa.
Em i tok save ol i kisim bai helpim tu ol yut sapos ol i laik wok long infomol sekta o statim bisnis bilong ol yet.

Liklik Bisnis...



Tripela DVD mangi, Junia Lissie, Pepsi Willie na Gerry Aisi, em ol mangi husat save mekim mani bilong long salim ol DVD-long rot na fran bilong ol bikpela stoa.

Poto Nicky Bernard

Salim DVD muvi piksa i stap long rot yet

Nicky Bernard i raitim

OL DVD muvi i no moa bilong lukluk tasol. Dispela tripela yangpela mangi mekim mani bilong ol wantaim DVD muvi piksa. Ol dispela yangpela mangi save go baim ol nupela muvi piksa long DVD na kam salim long sait bilong rot o long fran bilong ol bikpela stoa.
Dispela ol DVD ol salim i gat planti ol muvi piksa i save

stap wanpela DVD tasol, ol tripela yangpela mangi save salim long wanpela prais tasol.
Junia Lissie, bilong Kerema, i save holim 20-pela DVD, Pepsi Willie bilong Goroka save salim 15-pela, na Gerry Aisa bilong Goroka save salim 30-pela. Ol dispela mangi save wokabout raun long fran bilong ol stoa na sevis stesen na salim long manmeri.
Ol tripela tok, sampela taim

ol save salim gut na kisim mani, sampela taim ol manmeri save baim tu o tripela tasol.
Ol tripela save salim long K10, win mani bilong ol em K2 tasol long wanpela DVD ol salim, mani tru ol save go baim ol nupela DVD.
Planti manmeri nogat ol kain TV sevis olsem Hitron save go painim ol long kisim ol DVD long lukim long wiken taim ol nogat wok na laik malolo gut.



BUKIM KAR

Ol PMV opereta long Sentrel Bogenvil i setim ol gut stret. Ol i gat ol opis long Arawa we ol manmeri i laik kalap long kar bilong ol long go long Wakunai, Tinputz na Buka long Not Bogenvil na Bana, Siwai na Buin long Saut Bogenvil, i mas go givim nem na mani na ples ol i stap long en. Na kar i ken kisim ol long taim ol i redi long mekim ron bilong ol. Bilong mekim ron i go long Buka, ol PMV kar i save lusim Arawa long 3kilok

bikmoning na kar bai wokim raun long kisim ol manmeri long ol wan wan ples ol i slip long en long Arawa. Countryside Travel em wanpela long ol PMV bisnis long Arawa i ron gut na pota i soim tripela lain i sanap long fran bilong opis ol man i ken wokim ol buking bilong ol.

Poto: Veronica Hatutasi



KOKOPAU

Kopra em i bun bilong ol nambis provins ol i save katim, draitim na salim long kisim mani long em na helpim ol long laip na sindaun bilong ol.
Dispela sip, "Kopra 2", i save karim ol kopra long Buka na Bogenvil i pas long nambis bilong Kokopau long Buka Pasis, wetim ol foklif i lodim o putim ol kopra bek i go insait long en.

Poto: Veronica Hatutasi

NIU YIA SPESOL PRAIS BILONG FEMILI

Port Moresby ↔ Lae	K 199
Port Moresby ↔ Mt. Hagen	K 269
Port Moresby ↔ Alotau	K 229
Port Moresby ↔ Popondetta	K 169
Lae ↔ Goroka	K 99
Wewak ↔ Mt. Hagen	K 199
Rabaul ↔ Kimbe	K 159
Lae ↔ Kimbe	K 255
Lae ↔ Rabaul	K 275
Lae ↔ Madang	K 99
Port Moresby ↔ Madang	K 239

Wantaim spesol ofa...

Ol pikinini liken flai long hap prais tasol

Em wan wei prais tasol na taim bilong flai em namel long February 1st, 2012 na 3rd April 2012.
Yu gat sans long kisim taim yu baim long W klas prais.
Dispela prais bilong balus tiket bai kamap long wanwan pikinini tasol long wanwan man.
Buking bilong ol pikinini husat bai flai long hap prais imas kamap long wanpela agent.
Tiket ol i salim long 18th January 2012 igo inap 29th 2012.
Liklik spes tasol istap
Ringim 16111 (usim Digicel fon bilong yu) o yu ken go lukim www.apng.com

Airlines PNG
COME FLY OUR WAY

- PORT MORESBY - Level 1, Pacific Place, 321 3400
- MT. HAGEN - Central Highlands Printees, 542 0662
- Kagamuga Airport, 542 2732
- LAE - Micro Bank Haus, Fifth Street, 479 5980
- POPONDETTA - Top Town (opp. Memorial Park), 629 7638
- ALOTAU - Preston White Street, 641 1288
- GOROKA - Airport, 532 2532
- TABUBIL - Airport, 649 9171
- KIUNGA - Airport, 649 1125
- MADANG - Global Travel, 422 0011
- KIMBE - Travel Line Limited, 71742306
- RABAU - Rabaul Hotel, 982 1999



KISIM WAS: Gol kipa bilong Tukoko Uni putim ai long pilaia bilong Eastern Stars long raun 11 gem bilong ol las wik Sarere long Mosbi. *POTO: Andrew Molen.*



LUKAUT: Dolphins pilaia i hariap long sanap long namba wan bes bipo long Bears pilaia i holim bal na autim em, long A Gred sofbol gem bilong ol long Mosbi las wik Sande. *POTO: Nicky Bernard.*

PUTIM HAN: OI BSP pilaia (rait han) i resis long bal wantaim ol Daltron pilaia long praivet kampani netbol salens gem bilong ol las wik Sande long Mosbi. *POTO: Nicky Bernard.*



ASUA PINIS: Gol kipa bilong Petro Souths i save em i asua pinis taim bal i abrusim em na ron i go insait long gol. *POTO: Andrew Molen.*



SALIM BROS: Reginald Davani bilong Central Coast (Ilephan) i salens wantaim birua bilong em bilong Petro Souths long NSL gem bilong ol las wik Sarere long Mosbi. Central i win 2-0. *POTO: Andrew Molen.*

TOKSAVE: Salim ol spots dro bilong yu kam long Feks; 325 2579, e-mel; amolen@wantok.com.pg o kam lusim long Wantok Niuspepa opis long Central Waigani, NCD.

I no isi tumas

JUDO em i wanpela masol at bilong Siapan (Japan), na nem bilong en i min olsem isipela pasin o rot (gentle way).

Tasol sapos yu traim save bilong ol long dispela at, bai ol i no inap isi long yu. Bai yu yet i pilim olsem em i no wanpela isipela at long lainim o traim. Judo em i wanpela masol ats, tasol em i wanpela bikpela spot insait long Olimpik Gems tu.

Histri bilong gem

Judo i kamap long wanpela olpela masol at bilong Siapan ol i kolim, Jujitsu. Long tok Inglis, Jujitsu i min "The gentle practice" o isipela pasin.

Man i kamapim Judo em Profesa, Jigoro Kano, wanpela tisa long Tokyo long Siapan.

Kano i kamapim Judo o "The gentle way" (rot bilong isipela pasin), long stat bilong 1880, taim em i lukim olsem i nogat wanpela gutpela spots bilong masol ats i stap bilong wanem Jujitsu na planti ol arapela masol ats i strong tumas.

Wanwan taim tasol i save gat ol tonamen na planti taim narapela pilaia i save kisim bikpela bagarap o i dai bipo long narapela i winim pait.

Kano i bin wanpela saveman bilong Jujitsu tu, na em i kamap Judo olsem spots.

Em i kisim ol stail na save bilong Jujitsu na kamapim Judo, tasol em i rausim ol strongpela stail bilong Jujitsu, we i ken bagarapim o kilim narapela pilaia.

Astingting bilong Kano em long mekim Judo olsem spots tasol long wankain taim, i gat ol save, tingting, pasin na stail bilong masol ats i stap insait long en yet. Kano i mekim ol loa bilong Judo tu bilong ol manmeri long bihainim taim ol i pilai, na i opim namba wan skul bilong em long 1882.

Judo i kisim biknem na planti moa manmeri joinim dispela at na long 1964, em i go insait long Olimpik Gems we em i stap olgeta nau.

Stail na loa bilong pilai

Planti ol masol ats i save lukim ol paitman i tromoi han, lek na ol arapela hap bilong bodi long traim na givim pen long narapela paitman.

Long Judo na Jujitsu, we em i kam long en, bikpela stail bilong en em long holim narapela paitman na yusim strong bilong em yet long tromoim em i go daun long graun na holim pasim em inap em i les na i no inap long pait moa.

Ol i no save kik na tromoi han long paitim narapela long Judo.

Astingting bilong ol Judo gem, em bilong yu long traim na tromoi birua bilong yu i go daun long graun na i gat ol stail bilong holim pasim lek na han bilong em long graun bai em i noken kirap o tanim na daunim yu.


Sapos yu tromoi em i go daun o lokim em inap long refri stopim gem, bai yu kisim poin o winim gem.

Ol Judo pilaia i save lainim tu long pundaun na kalap bai ol i noken kisim bagarap taim narapela i tromoi ol i go daun long graun.

Astingting bilong Judo em long yusim strong bilong narapela man agensim em yet na tu yusim strong bilong graun, win na ol arapela samting long mekim birua




PUTIM HAN: Ovinou i holim birua bilong em bilong Vanuatu long brons medol pait bilong em long Pasifik Gems las yia. POTO: Andrew Molen.



HOLIM: Wanpela pilaia i holim pasim birua bilong em long wanpela tonamen.



PUNDAUN: Wanpela pilaia i tromoi narapela i go daun.



i pundaun strong tru o pasim em long graun.

Judo em i masol ats tu, bilong wanem em i bihainim ol arapela tingting na pasin bilong masol ats long sait bilong harim tok, soim respek, lukautim ples na tu lainim long lukautim ol manmeri na bihainim stretpela pasin.

Tasol Judo i save bihainim nem bilong em, "Gentle way" o isipela pasin, dispela i min olsem Judo i no save laikim ol sumatin bilong en i statim pait o i traim long pait agen

sim narapela man.

Astingting em long traim na stopim narapela long i noken pait.

Dispela i min olsem, sapos wanpela i kam long pait wantaim yu, bai yu no inap bekim long tromoi han na lek long paitim em tasol taim em i tromoi han o lek i kam long yu, bai yu holim dispela lek o han bilong em na yusim strong bilong em insait long dispela han o kik bilong em long tromoi em yet i go daun.

Bihain bai yu holim pasim em inap em i sotwin na olgeta belhat bilong em i pinis na i no laik pait moa na bai yu lusim em.

Judo long PNG

Papua Niugini Judo Federesen i save lukautim ron bilong Judo insait long kantri tasol i nogat planti klap.

Wanpela klap tasol i stap long ples Gereka long Sentrol provins na narapela i stap long Mosbi.

Wanpela as long i nogat planti klap tumas em bilong wanem i nogat planti manmeri save em i stap na tu i nogat ol bikpela tonamen i save kamap we i ken promotim na givim moa luksave long en. PNG save go long intanesenel tonamen tu na las yia PNG Judo tim i winim tripela brons medol long Pasifik Gems long Nu Kaledonia.

Wanpela sinia paitman bilong PNG em Raymond Ovinou husat i stap na trening long Olympic Training Centre (OTC) long Samoa.

Em i winim bros medol bilong ol man Pasifik Gems long 2011, narapela tupela brons medol bilong Judo i kam long tupela susa, Marie na Kaycee Keneke.

Judo em i no hat tumas long lainim olsem ol arapela masol ats bilong wane mol stail na swave bilong Judo i save bihainim tasol ol samting yumi save mekim long olgeta de.

Bai yu lainim tasol long mekim dispela ol samting gut.

Dispela em bilong wanem, yumi save pundaun, kalap na holim ol arapela olgeta taim, tasol Judo bai yu lainim long mekim dispela gut na tu bai yu save long yusim long rot we yu ken pasim em long noken bagarapim yu.

Olsem planti ol arapela masol ats insait long PNG, Judo tu i mas i gat gutpela ples bilong trening.

Bikpela haus we i gat spes long kalap, ron i go kam na pilai, em i gutpela long holim trening bilong Judo na planti ol masol ats long hap.

Ennis i tok Hasler em wankain olsem Bennett

KEPTEN bilong Canterbury Bulldogs, Michael Ennis, i bilip nupela kosa bilong em, Des Hasler i wankain olsem nambawan NRL kosa, Wayne Bennett.

Hasler i stap klostu long tupela mun nau wantaim ol Bulldogs tasol em i mekim inap long winim sapot bilong kepten bilong em.

Ennis i tok Hasler i mekim planti samting long soim olsem klap bai nap long kamapim planti gutpela samting aninit long was bilong em long ol yia i kam, aninit long was bilong em.

"Mi bin pilai aninit long planti ol gutpela kosa na mi ken tok olsem em i

wankain olsem dispela ol man," Ennis i tok.

Em i bin pilai aninit long Wayne Bennett long Brisbane, Craig Bellamy na Ricky Stuart long Stet ov Orijin, Laurie Daley long NSW Kantri tim na Michael Hagan long Newcastle.

"I gutpela long lukim em i soim ol save, pasin na astingting bilong wok bilong em insait long klap na mi ting dispela bai helpim tru long strongim klap," em i tok.

Bipo long em i go long Bulldogs, planti ting em bai stap olsem Manly man stret bihain long em i pilaim olgeta gem bilong em wantaim ol na bihain i kamap kosa bilong klap

gen.

Tasol dispela i senis taim em i gat kros wantaim Manly na i go long Bulldogs long Novemba 2011.

Ennis i tok em i amamas long stap aninit long Hasler olsem kosa bilong em nau na em bai no inap lustingting long ol gutpela samting we em bai lainim.

"Mi stap namel long laip bilong mi long gem nau na mi stap aninit long wanpela gutpela kosa olsem Hasler husat i gat ol gutpela wokman bilong em tu olsem na taim mi tingim bak, bai mi amamas tasol long dispela taim na mi no inap lustingting long en," em i tok.



BAGARAP: Burgess i no orait yet long pilai.

Stuart statim wok redi bilong Blues

WOK bilong Nu Saut Wels (NSW) long traim na stopim Kwinslen long Stet Ov Orijin, i go yet.

Blues kosa, Ricky Stuart i makim 23 pilaia long wanpela trening kem bilong ol Blues pilaia em i bilip bai ken makim Stet bilong ol long bihain taim.

Dispela kem bai kamap long wik i kam na namel long dispela 23 pilaia em faiv eit bilong Canberra, Terry Campese.

Campese i bin makim

Blues wanpela taim tasol long 2009.

Long 2010 em i no bin pilai bilong wanem lek skru bilong em i bagarap.

Las yia em i pilai long wanpela hap bilong gem tasol bipo em i bagarapim dispela skru gen.

Narapela 4-pela wanpilai bilong em long Raiders, Jarrod Croker, Blake Ferguson, Josh McCrone and Joel Thompson i stap wantaim em long dispela skwat

bilong trening kem.

Skwat em: Campese, Croker, Ferguson, McCrone, Thompson, Andrew Fifita, Luke Douglas, Ryan James, Darcy Lussick, Tony Williams, Ryan Hinchcliffe, Tariq Sims, Lachlan Coote, Michael Gordon, Tim Grant, Dan Hunt, Trent Merrin, Kyle Stanley, Joseph Leilua, James Maloney, Blake Ayshford, Tim Moltzen, Aaron Woods.



TRENING: Campese stap insait long trening kem bilong Stuart.

Burgess no nap pilai All Stars gem



BAGARAP: Burgess i no orait yet long pilai.

FOWET bilong South Sydney, Sam Burgess, bai no inap pilai insait log All Stars gem long Februari 4 long Gold Coast, bihain long em i kisim bikpela bagarap long skru bilong fut bilong em.

Burgess i bin bagarap solda bilong em long Mas agensim ol Roosters long 2011, na bihain em i bagarapim lek bilong em long Mei, we em i kisim operesen long en tasol em i no orait yet.

Dispela bagarap i lukim em i no pilai bilong Inglen tu long 4 Nens salens las yia.

Nupela kosa bilong Rabbitohs, Michael Maguire, i laik bai Burgess i orait gut na stap insait long tim bilong em taim sisen i stat olsem na em i tokim em long rausim nem bilong em long All Stars gem.

Narapela Souths pilaia, Michael Crocker bai kisim ples bilong em long All Stars tim.

Chris Lawrence, bilong Wests Tigers, em narapela pilaia husat bai no inap stap insait long dispela gem bilong wanem em i gat bagarap tu.

Bagarap bilong Lawrence i stap long solda bilong em.

Em go pas long ol arapela Wests Tigers pilaia we ol sapota i votim long stap insait long dispela gem.

Narapela Tigers pilaia, Tim Moltzen, nau bai kisim ples bilong em.

Ol sapota i save vot long wanem ol pilaia ol i laik bai stap insait long NRL All Stars tim we bai pilai agensim ol Indigenous All Stars.

Vot i op long Disemba 27, 2011 na bai pas long Jenuari 18 long Trinde wik i kam.

Salens i wok long kamap namel long ol wanpilai nau long husat bai go insait long tim.

Sharks na NSW kepten, Paul Gallen i go pas long

wanpilai, Todd Carney, na resis namel long ol arapela wanpilai olsem Jarryd Hayne na Nathan Hindmarsh (Eels); Brent Tate na Dallas Johnson (Cowboys); Tony Williams na Daly Cherry-Evans (Sea Eagles); Manu Vatuvei na Shaun Johnson (Warriors); Jack Reed na Corey Parker (Broncos); Frank Pritchard na Josh Morris (Bulldogs); Nate Myles na Luke Bailey (Titans); Jason Nightingale na Matt Cooper (Dragons); Jared Waerea-Hargreaves na Anthony Minichiello (Roosters); Michael Jennings na Luke Lewis (Panthers); na Kade Snowden na Neville Costigan (Knights).

Husat ol i makim bai stap insait long tim wantaim NRL All Stars kepten, Benji Marshall na Melbourne Storm kepten, Cameron Smith husat tupela i stap insait pinis.

Ol i makim Indigenous All Stars pinis long Disemba 2007 na Laurie Daley em kosa bilong ol.

Tim bilong ol em; Johnathan Thurston (c), Ben Barba, Jharal Yow Yeh, Greg Inglis, Justin Hodges, Nathan Merritt, Chris Sandow, Tom Learoyd-Lahrs, Travis Waddell, George Rose, Sam Thaiday, Jamal Idris, Greg Bird, Andrew Fifita, Cory Paterson, Matthew Bowen, Scott Prince, Anthony Mitchell, Joel Thompson na Nathan Peats.

Dispela gem i bin stat long 2010 we Indigenous All Stars i bin win 16 - 12, na long las yia, NRL All Stars i bekim wantaim 28 - 12 win.

Putim ai long fainol

Andrew Molen i raitim

SAPOS Hekari United FC na CPL Eastern Stars FC i strong bai tupela i bung gen long gren fainol olsem ol i mekim long las sisen.

Bikpela salens bilong ol bai kamap dispela Sarere taim tupela i bung long Mosbi.

Hekari husat i stap long namba wan ples wantaim 22 poin, i no bin pilai las wik tasol ol i gat wok long stopim ol Stars husat ol i mekim save long Tukoko Uni Lae FC 5 - 2, las wik.

Dispela win i apim poin bilong Stars i go 19 na i lusim ol i stap yet long namba tu ples.

Bosman bilong Stars, Joseph Ealadona i bin tok long stat bilong sisen yet olsem astingting bilong olsem long traim na winim Hekari.

Na ol i soim gutpela developmen long trening, gem na

tu disiplin o pasin harim tok bilong ol long ol ofisol na wanpilaia bilong ol.

Tasol wanpela samting tasol ol i no mekim yet - Ol i no winim Hekari yet.

Sapos ol i ken brukim dispela rekot long Sarere, bai em i opim dua bilong ol long ol arapela bikpela gem bilong ol agensim Hekari na ol arapela strongpela tim olsem long bihain taim.

Stars i gat ol gutpela pilaia na save long pilai tasol ol i nogat dispela liklik hangre long bel bilong ol na paia insait long ai bilong ol we i ken pusim ol long win olsem Hekari.

Dispela wiken bai raun 12 bilong NSL na i gat 9-pela moa gem i stap bipo long fainols i kamap.

Olgeta tim i putim ai long fainols tasol ol i mas mekim gut lng dispela las 9-pela raun bai ol i gat sans long go insait.



TANIM: Wanpela Stars pilaia i pasim birua bilong em bilong Tukoko Uni long gem bilong ol las wik long Mosbi. Stars i win 5-2.



MAKIM: Sampela ol pilaia i redi long sut long nesanel sempionsip long Mosbi long 2011. WANTOK FOTO.

De bilong bunara na spia

Andrew Molen i raitim

DISPELA Sande long Mosbi bai Port Moresby Archery Association (PMAA) i opim dua bilong ol long olgeta manmeri long kamap na traim lainim long sut wantaim bunara na spia.

Dispela bai makim Open De bilong ol long dispela yia na tu bai opim nupela yia bilong asosiesen.

Astingting bilong dispela open de em long soim planti moa manmeri long asri (archery) o spot bilong sut wantaim bunara na spia.

Asri em i wanpela spot we i save stap insait long Komonwelt na

Olimpik Gems na PNG gat sans long salim ol tim i go sapos i gat planti moa manmeri pilai long en.

Husat i laik traim han bilong en long sut wantaim bunara na spia i mas kamap long pilai graun long Waigani, baksait long gan klap, namel long 8 kilok moning na 4-kilok avinun.

Intanesenel trening bai helpim ol pilaia...

i kam long bek pes..

Iainim wanem samting ol trena bai givim ol.

"Em bai gutpela ekspiriens na mi laik kam bek na helpim long developim ragbi long PNG wantaim wanem save mi kisim long hap.

"Mi laik yusim long helpim ol yangpela pilaia i kam bihain long mi," Kakah i tok.

Kakah na Torea i pilai bilong PNG long planti ol intanesenel gem long ragbi sevens na tu olsem ol PNG Pukpuks tasol tupela i tok dispela wan mun trening em bai nupela ekspiriens bikpela samting yet.

"Mipela bai lainim planti samting tru insait long dispela wanpela mun na mipela i redi tasol long kisim," Kakah i tok.

Torea i tok em i gutpela long ol i kisim kain trening long intanesenel level bilong wane mol bai wokbung wantaim ol arapela pilaia bilong Pasifik na long wol na em i bikpela samting long gem bilong ol.

Em i tok tu olsem ol i lainim planti gutpela samting long nesenenel kosa bilong PNG, Shane Howarth, we i ken helpim ol long bungim dispela kain trening ol bai go long en.

"Shane i lainim mipela long

soim olsem yu laikim gem long hat wok bilong yu long trening na pilai.

"Wanem samting yu putim go insait long gem bai yu kisim kaikai bilong en," Kakah i tok.

Vais Presiden bilong PNG Rugby Football Union (PNGRF), Robert Nilkare, i tok amamas long tupela pilaia long kisim dispela luksave na tu long mama sponsa bilong ol, Digicel husat bai lukautim olgeta wok-about na stap bilong tupela long Nu Silan.

"Dispela em i namba wan taim bilong dispela long kamap long PNG na mipela i amamas long helpim bilong Digicel," Nilkare i tok.

"Mipela i save salim ol pilaia i go trening na pilai wantaim ol klap long Australia na Nu Silan tasol dispela em i namba wan taim tru we ol pilaia bai go stap na trening stret long ragbi skul long hap," em i tok.

Operesen Dairekta bilong Lorna McPherson i tok ol i sapatim planti spots pinis na displea em i namba wan taim long olk i wokbung wantaim ragbi yunion long PNG.

"Digicel i bikpela sapota bilong spots na mipela i laik helpim long developmen bilong ragbi yunion tu," em i tok.

NEW PREMIUM TUNA

DIANA

PROUDLY **PNO MADE**

DIANA Hot & Spice
DIANA Milder Flavour
DIANA Milder Flavour
DIANA Milder Flavour
DIANA Barbecue Flavour

EKSPIRIENS: Billy Torea (Iephan) na Chris Kakah bai kisim bikpela trening long Nu Silan.

POTO: ANDREW MOLEN



Apim ragbi

Intanesenel trening bai helpim ol pilaia.

Andrew Molen i raitim (ragbi skul) long Nu Silan. Dispela "High Performance Players" kos bai kamap long Jenuari 29 na pinis long Februari 17, dispela yia. Kakah na Torea i tok ol i lukluk tasol long kamap long dispela bikpela trening na

CHRIS Kakah na Billy Torea i gat bikpela tingting long helpim na apim levul bilong ragbi yunion long Papua Niugini, taim tupela i go long wanpela trening long Rugby Academy

Moa long Pes 31.

INSAIT: Spot laipstail- Judo. PES 29.

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."